



# सानसेयारि बड'सा

सानसेयारि 'बड'सा' खरौरालाइयाव  
स्मानज्यादि जिज्जो लोब्बा थावाय रायथाय, खन्थाय,  
सल', सल'बाथा आरौ बावबायारि थावनि, पार्क  
बाइदिनि स्यायाव लिन्नाय लिन्बिबाँ दैथाय ठर/  
सानसेयारि 'बड'सा' खरौरालाइया खेबखानानै  
फोसावगोन।  
बड'स्यायाव लिन्ठरनायनि हुबा खालाम,  
'बड'सा' खरौ नोथां, जो बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Wednesday ★ 3 April, 2024 Kokrajhar, BTC, Assam ★ Vol.- 34, Issue No. 10 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

## हादत नाडै नो गोनांथार मुलिफोरनि बेसेन बांहेनायनि सोमोन्दै गिबि मन्थिआ खौरां मोनाखै

गुवाहाटी, 2 एप्रिल: हादत नाडै नो थानाय 1 एप्रिलनिफ्राय गांसे मोन 800 निबो बांसिन रोखोमनि गोनांथार मुलिफोरनि बेसेनआ बांदों। गोनांथार मुलिफोरनि बेसेन बांनाया सरसनसा रइजो-रजाफोरखौ जेंनायाव खोखलैनायनि उनावनो नाथाय बे लानानै जिंगासियाखै रइज्योनि गिबि मन्थि ड० हिमन्त बिश्व शर्माआ। अदेबानि बिथाडा दासिमबो मुलिन बेसेन बांनायनि खौरांखौ मोनो हायाखै। डिफुआव खुनाय मोनसे हाबाफारि बाहागो लानायनि उनाव खौरां बिजोनि सिगाडव बे बाथाखौ फोरसायो गिबि मन्थि हिमन्त बिश्व शर्माआ। गिबि मन्थिआ बुडोदि, मुलिन बेसेन बांहेनायनि जेबो खौरां मोनाखै। लोगोसे मुलिन बेसेन बांहेदोंबाबो (□ 5 बिलाइआव)



## मोनसे समनि हाग्रामा महिलारीनि सान्थिफोरा खारजोबबाय: उखाव गोरा ब्रह्म

### सालबारियाव एनडिएनि गेदेर बाइक रेलि बान्जायदों

भवानिपुर, 2 एप्रिल: हाग्रामा महिलारीआ सिगांनि समाव सासे राजा बायदिमोन। बिथाडा राज आफादखौ खोमानानै लाबाय। सानसे समनि हाग्रामा महिलारीजों थाफाग्रा सान्थिफोरा आथिखालाव सासेबो गेला। हाग्रामा महिलारीआ आथिखालाव दुखु-दाहाजों बुंफबनाय सासे राजा। आथिखालाव हाग्रामाआ सोमावसारनायजों जेबो सोमोन्दो गैयै दुर्गा दास बर'खौ सान्थि गाहाइ महरै दाहार लाबोदों। (□ 5 बिलाइआव)



## बे खेबनि मेट्रिक आन्जादनि फिथाइखौ बैसागु फोर्बोनि गेजेराव फोसावगोन

गुवाहाटी, 2 एप्रिल: रंजालि बैसागु फोर्बोनि रंजानायनि गेजेरावो बे खेबनि मेट्रिक आन्जादनि फिथाइखौ फोसावगोन। गेजेरआरि सोलोंथाइ बर्डआ बैसागु फोर्बोनि गेजेरावो मेट्रिक आन्जाद 2024 नि फिथाइखौ फोसावगोन होन्नानै रोखा खालामनानै होदों रइज्योनि सोलोंथाइ मन्थि रनज पेगुआ। सोलोंथाइ मन्थि पेगुआ बुडोदि, बे बिथिडव गांसेबो राहाफोरखौ लानाय जादों। गुबुन फार्सेथि, दुलाराइ आसाम फरायसा आफाद आसुआबो बे खेबनि मेट्रिक आन्जादनि फिथाइखौ फौगौ बैसागु फोर्बोनि गेजेराव फोसावगोनखौ रोखा खालामनानै होयो। मख'नो गोनांदि, सोलिफु बोसोरनि थानाय 16 फेब्रुवारीनिफ्राय जागायजेन्नाय मेट्रिक आन्जादआ थानाय 4 मार्चआव खुंफुंजायो। बे खेबनि मेट्रिक आन्जादाव रइज्योनि गांसे सा 4,25,924 फरायसाफोरा जिरायदोंमोन। बेनि गेजेराव सा 1,90,934 फरायसुला आरो सा 2,34,980 फरायसुलिफोर दड'। (□ 5 बिलाइआव)



## मतनगुरियाव बिपिएफनि बिसायख 'थि फोसावदिं मेल एनडिएखौ आं गिया: हाग्रामा महिलारी

भवानिपुर, 2 एप्रिल: बिपिएफनि आफादगिरि एबा बिदिसिनि बारग' गाहाइ मावफुं सोद्रोमा हाग्रामा महिलारीआ गोबां बिबानि दोलोयारि दैदेनगिरि-मावफारियाफोरखौ लानानै सानसेनि हाबाफारिजों कक्राझार लकसभा बियाबनि बिपिएफनि बिजाथि खाम्फा बरगयारिनि जानानै सालबारि महकुमायाव बिसायख 'थियारि फोसावदिंनाय हाबाफारियाव मुखुब जानानै थानायखौ नुनो मोन्दों। सालबारि महकुमानि मतनगुरि बियाबनि बेंखनयाव थानाय गबर्धना, उन्केरि, निमुवा, (□ 5 बिलाइआव)



## हजाय-लक्षीमपुराव बिसायख 'थियारि फोसावदिंनायाव अमित शाहआ बाहागो लागोन

गुवाहाटी, 2 एप्रिल: गिबि खोलोबनि बिसायख 'थियारि फोसावदिंनायाव बाहागो लानो थाखाय मिरु नख'र मन्थि अमित शाहआ आसामआव फैगोन। सान्नेनि हाबाफारिजों रइज्योआव फैनो गोनां मिरु मन्थिआ फैगौ 7 एप्रिलयाव हजायाव आरो 8 एप्रिलयाव लक्षीमपुराव मोनै बिसायख 'थियारि फोसावदिंनाय हाबाफारियाव बाहागो लागोन। गिबि थाखोनि काजिरड, जरहत, डिब्रुगड, लक्षीमपुर आरो सनितपुर बियाबआव बिसायख 'थिया (□ 5 बिलाइआव)



## बिपिएफ दोलोनि सानै मिरुनि दैदेनगिरिफोरा बिबान एंगारबाय

भवानिपुर, 2 एप्रिल: बिपिएफ दोलोनि सानै मिरुनि दैदेनगिरिआ दिने दोलोनिफ्राय बिबान एंगारदों। मख'नो गोनांदि, बिपिएफनि आइजो सेलनि मिरुनि गौशुमारि नेहाथारि जनाकि नाजरी आरो मिरुनि मावफुं सोद्रोमा लिला मुसाहारीआ बिपिएफनि मिरु आफादिनिमिम दोलोनि बिबानजों लोगोसे सरसनसा (□ 5 बिलाइआव)

## धुबुरी-बरपेटायाव अगपनि देरहासारनाया रोखा: अतुल बरा

बरपेटा, 2 एप्रिल: बरपेटा आरो धुबुरी मोनैबो लकसभा बियाबनि मासियावनो आसाम गन' परिषद दोलोआ देरहासारगोना रोखा। दिने धुबुरीयाव आसाम गन' परिषदनि आफादगिरि अतुल बराया बेबायदिनो दावि देखांनयखौ नुनो मोन्दों। नाथाय बरपेटा आरो धुबुरीनि सुबुं थाथाया मिर्जिथिनयनि उल्था बिथिडव (□ 5 बिलाइआव)



## बारहुंखाजों गाजि गोहोम गोलैनाय मजाटि गामियाव खौरां लाहैनानै ख'हा जाजानाय नख'रफोरजों सावरायज्जलायदों एबसुनि थान्दै हान्जाया

कक्राझार, 2 एप्रिल: जों बयबो मिथिदोंदि, थानाय 31 मार्च, 2024 इं खालारखालि बेलासे समाव हरखाबै मिथिगायारि खैफोद बारहुंखा फेनानै कक्राझार जिल्लानि गसाइगाव महकुमानि सिडव थानाय मजाटि गामिनि गोबां न'-बां, बारि-बागान, गय, थाइजौ-खान्थाल बिफांफोरखौ



मैखोमै ख'हा खालामलानायजों लोगोसेनो मजाटि गुदि फरायसालियाबो गाज्रियै ख'हा जालांदों। बेखौनो दिने दुलाराय बर' फरायसा आफादिनि गाहाइ नेहाथारि खनिन्द्र बसुमतारिनि दैदेननायाव मिरु एबसु आरो कक्राझार जिल्ला एबसु जुथायै जमदुवार दख'रानि हेफाजाबाव मजाटि गामि आरो मजाटि गुदि (□ 5 बिलाइआव)

## बिलासिपाराआव पुलिसआ हाथियारजों लोगोसे सासे सुबुंखौ हमदों

धुबुरी, 2 एप्रिल: सोनाब आसामनि धुबुरी जिल्लानि बिलासिपाराआव दुथां सुबुंफोरनि मैखोम थावनियाव सोलायनो हमदों। थानाय सानखालि पुलिसआ सिप्रोमनाय हाबाफारि लानानै गंसे पिस्टलजों लोगोसे सासे सुबुंखौ हमनानै जोबथेसालियाव दैथायहरो। खुंनो गोनां लकसभा बिसायख 'थिनि सिगां फिन गंसे पिस्टलजों सासे लाइमोन हमनो मोननाय जाथाया जिल्ला नाडैनो गिखांनय थासारि सोमजिहोदों। पुलिस सुलुड फोरमायनाय बादिब्ला, मोनसे संगालि सुलुनि बिथायाव बिलासिपारा (□ 5 बिलाइआव)



## गलाघाट पुलिसआ गोबां बिबानि झगसजों लोगोसे सासे फालांगिरि हमदों



गुवाहाटी, 2 एप्रिल: पुलिस खुंथाया झगस बेरखा हाबाफारि लाबोबाय थानायनि उनावबो रइज्योयाव आयेन बेरेखायै झगस फालांगिया सोलिगासिनो (□ 5 बिलाइआव)

## कक्राझार लकसभा बियाबाव 45 जौखोन्दो भटजों बिपिएफ दोलोआ देरहागोन: खाम्फा बरगयारी

गसाइगाव, 2 एप्रिल: गसाइगावआव बिपिएफ दोलोनि बिजाथि खाम्फा बरगयारीनि गोखों फोसावदिंनाय। रोजा-रोजा दावहारुफोरनि थैजों दाफुनाय बिदिसिखौ रेखाथि होनो थाखाय बिपिएफ दोलोनि भट होनो रइजो-रजाफोरखौ खवलायदों कक्राझार लकसभा बियाबनि बिजाथि खाम्फा बरगयारीआ।



दिने कक्राझार लकसभा बियाबनि कसुगाव, गसाइगाव, गुमा, शरइबिल, जमदुवार आरो श्रीरामपुर ब्लक बिपिएफनि बान्जायनायाव खुंनय बरगयारी हाबाफारियाव बिपिएफ दोलोनि बिजाथि खाम्फा बरगयारीआ बाहागो लानानै दोलोनि मावथि-हेफाजाबगिरिफोरखौ थांखिनानै बुडोदि, प्रमद बर' दैदेननाय इडपिएफनि 3 बोसोरनि खुंथाय समाव बिदिसि (□ 5 बिलाइआव)

## सिफुं हारिमु आफादआ 10 थि बोसोरारि जोनोम सान फालिनायजों लोब्बा लाखिनानै सिफुं हारिमु फोर्बो 2024 खुंदों

बर'फोरनि दोरोडारि मोसानाय आरो मेथाइ खन्नायफोरखौ रेमिक्स खालामनायनिफ्राय बयबो गोजानाव थानांगौ: अबित नाजरी

कक्राझार, 2 एप्रिल: सिफुं हारिमु आफादआ आफादिनि 10 बोसोरारि जोनोम सान फालिनायजों लोब्बा लाखिनानै सिफुं हारिमु फोर्बो 2024 खौ चिरां जिल्ला रौमारिनि थाइजौगुरियाव सान्नेनि मेहेर गोनां हाबाफारिजों खुंनय जादों। बेनिनो सेथि सानाव साहित्य अकाडेमि बान्था मोनगिरि राजा



देब'जिद बसुमतारिया मासि थासारि, बेनि सायाव लानानै दैदेननाय 'बर' हारिमु, लाइमोनफोरनि बिफाव' सिगां आरो आथिखालनि (□ 5 बिलाइआव)

## खोन्दोयारि गुदि सोलोंथाय बिबानगिरि नब' कृष्ण रायखौ जाखलनायनि दायआव खादों

कक्राझार, 2 एप्रिल: कक्राझार सदर सोहोरनि रबिन्द्र नोगोरनि थागिबि एबा धुबुरी जिल्लानि गलकगन्ज खोन्दोयारि गुदि सोलोंथाय बिबानगिरि नब' कृष्ण रायनि कक्राझारव थानाय न'आव दिने जर'खा नायबिजिरसं हान्जाया गोखोडै सिप्रोमनाय हाबाफारि सामलायनायखौ नुनो मोनो। गलकगन्ज खोन्दोयारि गुदि गोजौ थाखोनि हेफाजाबगिरि दपेन्द्र नाथ ब्रह्मजों लोगो नानानै जाखल'नायनि



गोखों अजद सिखांनयनि थागिदायाव खोन्दोयारि गुदि



सोलोंथाय बिबानगिरि नब' कृष्ण रायनि न'आव जर'खा

नायबिजिरसं हान्जाया गोखोडै सिप्रोमनो हमो। कक्राझारव सिप्रोमनायनि उनाव रायनि कक्राझार जिल्लानि बलदिया बाथोनाव थानाय न'आवबो पुलिसआ सिप्रोमदों होन्ना मिबथिनो मोननाय जादों। मख'नो गोनांदि, सारिखनि सिबिथाय रेबगन्थिखौ गोदानथि खालामनायनि मुडव गोजौ थाखोनि हेफाजाबगिरि दपेन्द्र नाथ ब्रह्मजों लोगो नानानै नब' (□ 5 बिलाइआव)

कक्राझार, 2 एप्रिल: कक्राझारव ना बाजारनि जायगा सोलायनायखौ लानानै दिने कक्राझार सानफ्रेमबोनि बाजारव मोनसे दावराव-दावसि थासारि सोमजिज्यो। ना फालांगिरिफोरा कक्राझार नोगोर आफादिनि हेंथायै खुदिसारनाय दिन्थिनानै ना बाजारखौ बन्द' खालामना गोबां दाबिनि स्ल'गान होनानै हेंथा



सोमावसारनायखौ नुनो मोनो। मिबथिनो मोननाय बायदिब्ला, कक्राझार नोगोर आफादिनिफ्राय कक्राझार सोहोरनि सानफ्रेमबोनि बाजारव ना बाजारनि थाखाय न' लुफुंनयनि खामानिया जागायजनायनि जाहोनाव ना बाजारखौ दाव दानग्रा बाजारव सोलायनो थाखाय बिथोन (□ 5 बिलाइआव)

## सुजुगिरिनि खोलोम

### जिब जुनात आरो दंफां लाइफां

बुहुमाव जिब जुनात थानानै थानाय विमिथंगया सान्त्र' हायै, मिथिस' हायै सोमोनांथाव निदान सुंबोदों आरो सुंगासिनो थानाय नुनो मोनो। ईशोरा सोरजिनाय गसिबो दंफां-लाइफां, हाजो-हाला, दैमा-दैसा, बिलो-बिलोमा, जिब-जुनात, दावमा दावसा, एम्फो-एनलाफ्रा देलाइश्री बुहुमखौ समाय होनायजों लोगोसे जिब जुनात थानानै थानाय अनजिमा गैयै हेफाजाब होबोदों। मिथिस' हायै जुगआवनो बुहुमाव गोनां जिरातखौ ईशोरा सोरजिनानै होखादोंमोन। नाथाय ईशोरा सोरजिनाय माखासे जिब जुनात दंफां लाइफांफ्रा मानसिन इनाय अनागारियावनो जादों, जुगनि सोलायबोनाय बोथोरनि थाखाय जादों, एबा थानो जायगा जोबनायनि थाखाय जादों। बुहुमनिफ्राय लार्से लार्से गोमोर लांनो हमदों। ईशोरा माखासे सोरजिनाय जिरातफ्रा गोमाबोनाय जिब जुनात थानानै थानाय गोमोग खहा जानो हागौ। मानोना ईशोरा गसिबोबो गोनां सानानै सोरजिखादोंमोन। मोनसे नडाब्ला मोनसेया थानानै थानाय गोब्राब। गामिफ्राव गोदो डाकर गैयामोन। आखाय बौब्ला जार्मान बिलाइखौ दिग्लिनानै होनाय, उदै साब्ला एबा उदै गाग्रि जाब्ला खिफि बेन्दों एउनानै जाहोनाय आर्थि आखाय बायब्ला हाग्रानि दंफां लाइफांनि बिलाइखौ देनानै खाथबना होनानै मोजां खालामनाय नुनो मोनो।

बैंगलनि भाड बाजार बेवादि मुलि गोथांजों आइर्थि आखाय बायनायखौ फाहामनायनि थाखाय नामदांखा जानानै दं। आर्थि खुब खुब मोनब्ला लोमस्रो सात्रो मोनब्ला उसुमाय(जारि बिजनि) बिजौ आरो माखासे दंफां लाइफांनि बिलाइ रोदाखौ फुदुनानै पंलु बिदै लॉनाई जायगा जायगा जों दासिमबो नुनो मोनो। बे उसुमायफ्राबो जोबलांनो हमदों। आयुर्बेदिक एल' पिटिक होमिअ' पेटिक गसिबो मुलिफ्रा दंफां लाइफांखौ नेउसिनानै जानो हाया। गोलोम बोथोराव बाराद्राय गोलोमनायखौ खमायहोनो हायाब्ला दंफांनि साइखुम नागिरना बै दंफां सिडव जिरायफ्रा हुदाया बयहाबो दं। मोसौखौ हाल एवनो, गायखेर जानो फिसियो। बे मोसौनोबो थानानै थानो गांसो हाग्रा बंग्रा नांगौ। जों एम्फौ फिसियो। बे एम्फौनि फिथोब आरो खुन बिफानि खुनखौ खुन्दु लुनानै सि दानानै मानसिया गावनि लाजिनायखौ फांथेयो आरो गोजां जानायनिफ्राय गोजानाव थायो। हाखर-हाला, दुब्लिन एम्फौफ्राबो माइ बारियाव माइ बिफांखौ खहा खालामनो हानाय माखासे एम्फौफोरखौ जानानै माइबिफां मोजां जानायवा हेफाजाब होयो। नाथाय मानसिफ्रा बेफोर एम्फौफोरखौबो बुथारनानै गोजोन्नाय मोनो। दावमा दावसाफ्रा फिथाय जानानै खिनाइ फिथायनि बेगरनिफ्राय बिफां लाइफां फेहेरनायाव हेफाजाब होयो। बबेबा बबेबा दावमा दावसा, जिब-जुनातनि मेजेमखौ मुलि बाहायनाय बयबो नुवा लासैनो थायाखै। नाथाय बेफोर गसिबो थानानै थानो थाखाय हाखर हाला दंफां-लाइफां नांगौ। जायगा जायगा बिफां-लाइफां जोबनाय लोगो लोगो बिलो आरो निजिराफ्रा रानलांनय मानसिनि मेनावाव गोलाईयालासिनो थायाखै। दंफां बिलाइफ्रा अक्सिजेन होन्नाय मोनसे गेस सानाव हागारो। जाय गेसया मिनिटसे गैयाब्ला जिब-जुनात थानानै थानाय गोब्राब।

## दिनैनि फान्जामुधि

**राशि बाइदियै मुनि गिबि हांखो**  
**मेष** : अ ल **वृष** : ऊ ब (उ ए इ) **मिथुन** : क छ (ड घ)  
**कर्कट** : ड ह **सिंह** : म ट **कन्या** : प ट (ण ष)  
**तुला** : त र **बृश्चिक** : ब न **धनु** : ध भ (ढ फ)  
**मकर** : ख ज **कुम्भ** : ग श (स) **मीन** : द च (ख ज झ)

- मेष**: जेखि बादया जेरावबो देरहासार जानो हागोन। जिउआव जौगानाय लाबोगोन।
- वृष**: फालांगि मावनायाव रांखावरि मुलाम्फा मोन्नो हागोन। फाफ्रोमथिबो नख'राव जौगानाय फैगोन।
- मिथुन**: गोसोआव माखौबा लानानै गिनाय सोजिनो हागौ। गोसोखौ लोरबां लानो नाड।
- कर्कट**: माबाफोर जेनाफ्राव गोल्बैबायनो हागौ। जेथिबो सांग्रां जानानै थानाय मोजां।
- सिंह**: मानिबा जाहोनाव बिफानि थाखाय जिंगा सिनांनो हागौ। गोसो हमाथानानै सोलिनांगोन।
- कन्या**: सोरजोंबाफोर गोरोन्थि बुजिलायनाय जानो हागौ। गोसोखौ हमाथ।
- तुला**: जेखौखि मावा मानो मुलाम्फाखौ मोन्नो हागोन। दिनैनि समा मोजां। गोजोन मोनगोन।
- बृश्चिक**: खामानि मावलायनायाव सोरजोंबा दावराव-दावसि जानो हागौ। गोसोखौ हमाथ।
- धनु**: बायनाय-फान्नायफ्राव रां-खावरि ख'हा जानो हागौ। गोसोखौ धैन्च हमानानै सोलिनांगोन।
- मकर**: नख'राव शुभ खामानि मावनो गोनां दड'बा मावनानै लानो हागोन। दिनै दिना मोजां।
- कुम्भ**: जैरैबो जेना-जैसि गैयै सुखुयै थानो हागोन। जेखि मावा जौगानायखौ मोनगोन।
- मीन**: नख'राव मोजां खामानि मावनानै लानो हागोन। नोंथांनि थाखाय शुभ दिन।

# बिजेपिया एमपि वरुण गान्धीनि जायगायाव मेनका गान्धीनो टिकेट होदो

सुल्तानपुर, 2 एप्रिल : बिजेपि एमपि वरुण गान्धीनि टिकेट दान्नायनि उनाव बिनि बिमा आरो बिजेपि एमपि मेनका गान्धीनि बिबुंधिया नुजाथिदों। मेनकाया बुंदोंदि, बियो बिजेपियाव थानानै जोबोद गोजोन्नाय मोन्दों। बेनि थाखाय मेनकाया पिएम मदि आरो नख'र मन्थ्र अमित शाह आरो बिजेपि आफादगिरि जेपि नडडानो साबायखर बाउदों। मेनका गान्धीया गावनो टिकेट होनायनि सोमोन्दैयै बुंदोंदि, टिकेट होनायखौ जोबोद गोबावजों फोसावदों। बेनिखायनो बिथाड बबेनिफ्राय बिसायख'थ



गेलोगोन बेखौ थि खालामनो हायाखै। बिथाड बुंदोंदि, आं सुल्तानपुराव फैंफिनबाय। मानोना बे जायगानि मोनसे जारिमिना सुल्तानपुराव रावबो एमपिया नैथि खेब खुंथायाव फेयाखै। टिकेट मोन्नायनि उनाव बियो बिथानि सुल्तानपुराव

गिबि दावबायनायमोन। मेनकाया जिल्लायवाव गावनि 10 साननि दावबायनायाव गासै लक सभा ओन्सोलनि दर 101 गामिफोराव दावबायगोन।

अदेबानि बिजेपिया बे खेबआव पिलिभटनिफ्राय वरुण गान्धीनो टिकेट होयाखै। बिजेपिया पिलिभटनिफ्राय थाखानाय एमपि वरुण गान्धीनि अनगायै जितिन प्रसादनो टिकेट होदों। आथिखालाव वरुण गान्धीया पिलिभट सुबुंफोरनि मुडव मोनसे दुखु गोनां खौरां लिरदोंमोन। बिथाडा बुंदोंमोनदि, नोंथांमोननि थान्दै जानाय आंनि जिउनि बयनिखुइ देरसिन सन्मान जानानै थाबाय आरो आं जेब्लाबो गावनि गासै गोहोजों नोंथांमोननि जौगाखानायनि थाखाय बाश्रा बुंबोदों। वरुण गान्धीया गावनि लाइजामाव बुंबावदोंमोनदि,

सिगांनि गोसोखांथिफोरा आंखौ दुखु मोनहोयो। आं बै 3 बोसोरनि उन्दै समखौ गोसो खाडे, जाय गावनि बिमानि आसि हमनानै 1983 आव गिबि खेब पिलिभटआव फेदोंमोन। बै समाव आं मिबथियामोनदि, सानसे बे हाया आंनि हाबा मावग्रा बाहागो आरो बेयावनि सुबुंफोरा आंनि नख'र जागोन होन्नानै सासे एमपि महरै आंनि हाबा मावनाय समा जोबना थांबाय। नाथाय अब्लाबो पिलिभटजों थानाय आंनि सोमोन्दोआ जोबथा हं बोजासिम जोबना थानाय नडा होन्ना बिथां वरुण गान्धीया सुबुंफोरनि थाखाय लाइजाम लिरदों।

## बांलादेशआव बयकट इन्डिया केम्पेनखौ लानानै गाहाइ मन्थ्र शेख हासिनाया गोख्रों राव बुंदों

ढाका, 2 एप्रिल: बांलादेशनि गाहाइ मन्थ्र शेख हासिनाआ भारतखौ नेवसिनाय अभियानखौ लानानै गोख्रों बाश्रा बुंदों। बे अभियानखौ सालायनो थाखाय बेरेखा दोलोखौ गोख्रों रावजों सोंखारिनायजों लोगोसेनो बिसोरनि इमानदारी एबा फोथायजानायनि सायावबो सोंथि दैखंदों। नेवसिनायनि खावलायनाय बेरेखानि बै दाय जाबसिनायनि गेजेराव फेदों, जेराव भारतआ बांलादेशनि इसिडरि राजखान्थियाव आखाइ होदों होन्नानै बुंदों। गाहाइ मन्थ्र हासिनाआ बे अभियानखौ लानानै आथिखालाव बेरेखाफोरनि सायाव बाश्राजों गार्लोबदों। बिथाड भारतखौ नेवसिनाय गासैबो बेरेखाफोरनाव थोंजोडै भारतनि दिहुन्थायफोरखौ लानानै सोंथि खालामदों। बिथाड भारतनि सारि सि आरो मसलफोरखौ बाहायनायखौ लानानैबो सोंथि खालामदों। मोनसे बिबुंधियाव



बांलादेशनि गाहाइ मन्थ्र आ बुंदोंदि, जुदि बिएनपि दैदेनगिरिफोरा भारतयारि दिहुन्थायफोरखौ नेवसियोब्ला, बिथांमोनहा गाव गावनि बिसिफोरनि भारतयारि सारिफोरखौ सावनानै होगोन नामा? बिएनपि दैदेनगिरिआ भारतयारि दिहुन्थायफोरखौ नेवसिनायखौ उकि लगिरि खालामदों। बिसोर दैदेनगिरिफोरा फिन्नाय होनांगोनदि, बिसोर भारतयारि मसलफोरखौ होयालासे जाग्रा आदारखौ जानो हाया नामा? सुलुनि बादिब्ला, बांलादेशनि इसिडरि राजखान्थियाव जेना

गोनां भारतयारिनि आखाइ होनायनि फिनजाथाय महरै बेरेखा दोलोनि #BoycottIndia ट्रेन्ड जागायदों। अभियाननि थाखाय जागायनाय ससेल मिडिया एक्सनि माखासे पस्टआव दाय जाबसिन्दोंदि, भारतआ गोबाव समनिफ्रायनो बांलादेशनि बिसायख'थि आयदाफोरा आखाइ होदों। माखासे नायबिजिरिफोरनि बादिब्ला, बिएनपिजों लोब्बा गोनां दैदेनगिरिफोरा अभियाननि बागै ससेल मिडियाआव पस्ट खालामनायनि उनाव बे अभियानआ जागायदों।



आइनरि खालामना होदोंमोन। फारसेथि निउजिलेन्डआव गान्जानि थाखाय मिबथिसार जाग्रा हादतआव बावैसो समनि बोसोरफोराव गान्जाखौ लानानै गोख्रों नेम-खांथि आजावना लादों। जार्मान सरकार जेब्ला बे आइनखौ हर गेजेराव फोसावो अब्ला रोजा रोजा अन्जिमानि सुबुंफोर रजथावनि बांलादेशनि मुदांखा ब्रेन्डेनबुग गेटआव रंजा-बाजा फालियो। माखासे सुबुंफोरा बेयाव खुसिनि रंजाथाय फालिनानै गान्जा लोडे। 25 बोसोरनि लाइमोनियाजिआ गोजोन्नाय फोरमायनानै बेयो जौनि थाखाय मोनसे आलादा रोखोमनि उदांस्त्रि होन्ना बुडे। बेनि अनगायै जार्मान सरकार

## इरानआ रसियाआव थान्दै मावख'नि सायाव गाग्लोबनायनि गोख्रों फिन्नाय होनो समाय-खिरा लादों



डमिशक, 2 एप्रिल : डमिशकआव थानाय इराननि फालांगियारि थान्दै मावख'आव गिख्रंथावै गाग्लोबनायनि उनाव इस्लामिक रिथल्युशनारि गार्ड कर्प्स (आइआरजिस)आ गागि कामान्धार महम्मद रजा जहेडी आरो महम्मद हादी हाजी रहिमीजों लोगोसे गावनि सा 7 बिबानगिरिफोर थैनायनि खौरां होदों। सिरियानि राजथावनिखौ सोमावगुंनय बे

गाग्लोबनायजों इरानआ खिथेर लानो थाखाय समायखिरा लादों। अदेबानि इरानआ बे गाग्लोबनायनि थाखाय इज्राइलखौ दाय हमदों। दाय जाबसिन्नाय बायदिब्ला, बे गाग्लोबनायखौ इज्राइलनि सान्थिफोरा एफ-35 दावहार उरां जाहाजफोरखौ बाहायनानै खालामदोंमोन। डमिशकआव थानाय इराननि थान्दै हसेल अकबरीया बे गाग्लोबनायखौ

सोंखारिनानै बेखौ हारिमायारि आइन सिमफायनाय होन्ना फोरमायदों आरो बे जाथायनि खिथेर लानो थाखाय समायखिरा लायो। इराननि गुबुन हादतयारि बिफाननि बुंथिगिरि नासिर कनानीयाबो बेनि सोमोन्दैयै बुंदोंदि, इरानआ नायबिजिरिफिन्नायनि मोन्थाइखौ लाखिनानै थाबेनो गोखोडै फिन्नाय होगोन। सुलुनि बायदिब्ला इज्राइलनि

उरां जाहाजजों गाग्लोबनायाव डमिशकआव इराननि थान्दै मावख'नि बिल्डिंआ ख'हा जादों आरो बिल्डिं सिडव थानाय गासै सुबुंफोरा जिउ गोमादों एबा जोखोम जादों। बे गाग्लोबनायाव इराननि सान्थि यारि बोसोनगिरि जेनेरेल आलि रजा जहदीआबो जिउ गोमादों। जहदीआ सिगाडाव थानाय 2016 सिमाव लेबनान आरो सिरियाआव इराननि कुलीन कुदस फर्सखौ दैदेन्दोंमोन। इराननि राजथान्दै हुसेन अक बरीया इरानखौ सोंखारिनानै बे गाग्लोबनायाव खमैब्लाबो सा 7 सुबुंफोरनि जिउ गोमादों होन्ना दाबि दैखाडो। बेराफारसे रैखाथि मावसुमाफोरा बेनि बायखोन्दा थुखायाव दासिमबो सुबुंफोरा गोदोनानै थानो हागौ होन्ना सन्देह' फोरमायदों।


## सना आरो रुफानि बेसेनआ बांगसिनो दड



गोदान दिल्ली, 2 एप्रिल: सनानि बेसेनआ बांबोबाय थानायखौ नुनो मोनगासिनो दड। गोदान फाइनांसिएल इयारनि गिबि सानआव सनानि बेसेनआ गोबां बांदों। गिबि सानावनो सनानि बेसेनआ 1,700 रांसो बांदों। आथिखालावबो सना आरो रुफानि बेसेनआ बांगसिनो दड। माल्टि कमडिटी एक्सेन्जआव सनानि बेसेनआ 0.47 जौखोन्दी बांनानै मोनफ्रोम 10 ग्रामआव 68,650 रां जादों। बेनि अनगायैबो आथिखालाव रुफानि बेसेनआबो 0.89 जौखोन्दी बांनानै 1 कि:ग्रा:आव 76,204 रां जादों। मुलुगनां हाथायावबो आथिखालाव कमेक्सआव सनानि बेसेन बांनानाय रेकर्ड बानायदों। बेवहाय गिबि खेबनि थाखाय सनानि बेसेनआ आउन्ससेआव 2,286 डलार जादों। बेनि अनगायैबो रुफानि बेसेनखौबो बांनय नुनो मोन्दों। कमेक्सआव रुफानि बेसेनआ आउन्ससेआव 25.50 डलार जाबाय। सना आरो रुफानि बेसेननि बांनयाव भुमखौराडरि जेनाया गोहोम खोख्लैदों।

## जापानाव गोख्रों थाखोनि बांग्रि मावदों

टकिय, 2 एप्रिल: सा जापाननि इभाटे आरो आअमरि रइन्ज्योआव मंगलबारखालि बांग्रि मावदों। जरखागिरिफोरा बांग्रिनि मिरुखौ इपि चेन्टर इभाटे रइन्ज्योनि सा बोरिमायाव होन्ना फोरमायदों। बांग्रिनि गोख्रोंथिखौ 6.1 रिक्टर थिसनो मोन्दोंब्लाबो बेयाव जेबो रोखोमनि जिउ ख'हा जानायनि खौरां मोन्नाय जायाखै। बांग्रिनि उनाव सुनामि फैनो हाथावनि जेबो सांग्राथिबो फोसावनाय जायाखै। मख'जाथावदि, थानाय जानुवारीआव जापानावनो 7.5 रिक्टरनि बांग्रि मावदोंमोन। बे खेबनि बांग्रिआव सा 50 नि बांसिन सुबुंफोरनि जिउ ख'हा जादोंमोन आरो गोबां बिल्डिंफोराबो ख'हा जादोंमोन। बावैसो सिगां 25 मार्चखालि पाकुवा निउ गिनिनि



सोनाब बाहागोनि मोनसे गोथौ ओनसोलाव 6.9 रिक्टरनि बांग्रि मावदों। बेवहाय सा 3 सुबुंफोरनि जिउ गोमादों आरो गं 1 रोजानिबो बांसिन न'-बांफोरा ख'हा जानांदों। बे बांग्रिआ आंबुन्थि सहरनि साखाथियाव थानाय सान्जा सेपिक ओन्सोलाव बांसिन गोहोम खोलैदोंमोन। बेयो राजथावनि पर्ट मर्सबाइनिफ्राय 756 किल'मिटर गोजानाव दड। बेनि सिगांबो 22 मार्चखालि इन्डेन्सियानि हागाइ जाभा द्विपनि सान्जा बाहागोआव लैथोमा सिडव बांग्रि मावदोंमोन। अदेबानि बेयाव जेबो रोखोमनि ख'हा जायाखै। बे बांग्रिनि गोख्रोंथिया 6.4 रिक्टरमोन आरो बेयो सान्जा जाभा रइन्ज्योनि पशिराननि साहा 8.5 किल'मिटर गोथौआव मावदोंमोन।

## इन्फसिसआ आइकार्ड बिफाननिफ्राय 341 कौटि रानि टेक्स डिमान्टनि नटिस मोन्दो

गोदान दिल्ली, 2 एप्रिल : आइटि सेक्टरनि मुंदांखा कम्पनी इन्फसिसआ एसेस्मेन्ट इयार 2020-21 नि थाखाय 341 कौटि रानि टेक्स डिमान्ट मोन्दो। बे बिथोननि हेथायै कम्पनीया आर'जलाइ गथाइनो सावरयगासिनो दड। बेगांलुरुआव थानाय इन्फसिस गाहाइ मावख'या बेनि सोमोन्दैयै बुडेदि, बिसेर 2024 नि 31 मार्चखालि जोबथा 3 दान आरो बोसोरनि थाखाय गावसोरनि रंखांथियारि खेंफोरथिखौ नायबिजिरासिनो दड। बेबायदियाव कम्पनीया बे बिथोननि हेथायै आर'जलाइ थिसनो थाखाय सावरयगासिनो दड। मख'नो गोनांदि, इन्फसिस लिमिटेडखौ थांनय 31 मार्चखालि आइकार्ड बिफाना भारत सरकारनिफ्राय थांनय



2020-21 नि थाखाय 341 कौटि रानि टेक्स डिमान्ट बिथोन मोनो। थांनय 31 मार्चखालि जोबथा 3 दान आरो बोसोरनि रंखांथियारि खेंफोरथिखौ कम्पनीया नायबिजिरासिनो दड। बेनि अनगायै कम्पनीनि

मोनसे हेफाजाबगिरि कम्पनीखौबो एसेस्मेन्ट इयार 2014-15 नि थाखाय आइकार्ड बिफाननिफ्राय रिमान्टनि बिथोन मोनो। बेयाव बिथोननि बायदिव्ला, रिफान्टनि रंखांथिया 15 कौटि रानि। हादतनि नैथि बयनिखुइ देरसिन आइटि

सिबिथाइ कम्पनी इन्फसिसआ बावैसो समनि सिगां स्टक एक्सेन्जो मिबधिहोयोदि, बिसेर इंकाम टेक्स डिपार्टमेन्टनिफ्राय 6,329 कौटि रानि रिफान्ट मोन्नायनि मिजिं दड। कम्पनीया गुबुन गुबुन बिथोनखौ फोस्मानयानै

2,763 कौटि रानि खालामनो दाबि देखानायनिबो खौरं होदोमोन। थांनय सप्ताहनि शनिबारखालि इन्फसिस लिमिटेडआ बिएसइ फाइलिंगआव बुडेदि, बेखौ बिसेर 3 दाननि समाव थांनय 2007-08 निफ्राय 15-16, 17-18 आरो 18-19 नि थाखाय आइकार्ड बिफाननिफ्राय बिथोन मोन्दो। बे बिथोनफोरनि बायदिव्ला कम्पनीया 6,329 कौटि रानि हांगौ। इन्फसिसआ फेंगौ 18 एप्रिलखालि सोलिफु रंखांथि बोसोरनि ब्रैथि 3 दाननि रंखांथियारि फिथाइफोरखौ फोसावगोन। कम्पनीया थांनय 2022-23 नि थाखाय सुदजो लोगोसे 2,763 कौटि रानि टेक्स बिनायजो लोगोसे 2011-12 नि थाखाय सुदजो लोगोसे 4 कौटि रानि टेक्स डिमान्टनि अर्डा मोन्दो। लोगोसे इन्फसिसनि लोगो कम्पनीफोरनि थाखायबो गासै 277 कौटि रानि बिथोन मोन्दो। खौरं लिरनाय समाव इन्फसिसनि शोयारआ दावखलायनायजो लोगोसे मोनफ्रोम शोयाराव 1,487.30 राडाव फालांगि खालामगासिनो दडमोन।

गोदान दिल्ली, 2 एप्रिल :


गुबुन हादतयारि बाजारफोरव गोखौ आरो हादतआव जाग्रा थावफोर ज'गायना होनाया खम जानायनि गेजेरजो थांनय समबारखालि अइल-अइलनि बाजारफोरव बादामनि अइल-अइलनि बेसेनफोर सिगांनि थाखोयाव थासेयावबो बेसर आरो सयाबिननि अइल, क्रुट पाल्म अइल आरो कटन अइलनि बेसेनाव बांनयखौ नुनो मोन्दो। सिकाग' आरो मालेसिया एक्सेन्जआव कारेक्शनआ सोलिगासिनो दड। खौरानि बायदिव्ला, सप्ताहसे छुट्टि जानायनि उनाव बाजारव खुलिफिन्नायाव बेसरनि अन्जिमाया बांनयनि जायगायाव खमायनोसो हमदो। थांनय शनिबारखालि बाखियाव बेसरनि गासै 6 खावसे लाख बस्था दडमोन, जाय दिने दावखलायनानै गासै 6 लाख बस्थाल' दंसै। एमएसपियाव बेसरफोरनि सरकारि बायनाय जागायनायनि मिजिंआव आबादारिफोर गावसोरनि फसलफोरखौ लाखिदो आरो थि बेसेन मोन्नायखौ नेगासिनो दड।



जाहाज गाथोनाव जाय सरासन्नायै 8-10 लाख टन जाग्रा थावनि स्टक दडमोन बे पाइप लाइनआ आधिखालाव खम जानो हमदो। जाग्रा थाव कम्पनीफोरनावबो जाय स्टकआ दडमोन बेयो जोबोद खम। बबेखानि पाइपलाइनआ आधिखालाव खालि जानाई दड। जुलि आरो नबरात्रिनि जाग्रा थावफोरनि दाबि देखानाया बांगोन, जायखौ नोजोर होनाई बेसेन बांनयखौ नेनांगोन। सुलुनि बायदिव्ला भारत बायदि गिदिर गुबुन हादतनिफ्राय लाबोग्रा हादतआव लाबोनाया खम जासेयावबो मालेसियानि जाग्रा आदर थाव देशाइरनाया गासै 20.53 जौखोन्दो बांदो। बे बांनयनि जाहोनाव माखासे हादतफोरव बाय'डिजेल

## आम आदमी पार्टीनि गायसनगिरि सोद्रोमा दिनेश भाघेलाया बे संसाराव गैलिया

गोदान दिल्ली, 2 एप्रिल : आम आदमी पार्टीनि देरसिन दैदेनगिरिया दासान्दि जेलआव जोबथेजानानै दड। बेराफारसे पार्टीनि थाखाय आरोबाव मोनसे दुखुनांथाव खौराज नुजाथिदो। सुलुनि बायदिव्ला आम आदमी पार्टीनि गायसनगिरि सोद्रोमा दिनेश भाघेलाआ थांनय समबारखालि रंसारि जायो। बेनि बैसोया 73 बोसोरमोन। आपनि लेडाइ आफादगिरि वालमिकि नाइकआ बेनि खौरां होन्नाई फोरमायदोदि, पार्टीनि गायसनगिरि सोद्रोमा दिनेश भाघेला, जायखौ बाबाजी मुडेबो मिबथिनो मोन्नाय जायोमोन। बिथाड रंसारि जाबाय। मुख'नो गोनांदि, भाघेलाया आपनि माहारियारि हाबा मावग्रा सोद्रोमामोन। बिथाड पार्टीखौ गोखौ खालामनो थाखाय



गवायाव एक्ठिभयै खामानि मावदो। बिथांखौ 2 एप्रिलखालि बेलासिनि 3:30 रिगायाव पणजिनि सेन्ट इनेज मुनि गोथै सावग्रा जायगायाव

जोबथा बिदाय होनाय जायो। दिनेशआ आप पार्टीखौ जागायग्रा सोद्रोमाफोरनि गेजेरव सासेमोन, जाय गेना-खान्थिनि हेथायै सोमावसारनायनि उनाव आम

आदमी पार्टीजो सोमोन्दो लाखिदोमोन। बिथाड गुजरात फोलेरनिमोन आरो थांनय माखासे समनिफ्रायनो गवायाव थाबोगासिनो दडमोन। सुलुनि बायदिव्ला आम आदमी पार्टीनि गायसनगिरि आरो दिल्लीनि गिबि मन्थि अरिन्द केचिवालखौबो टिहार जेलाव दैथाइहरबाय। जौनि गेना-खान्थिजो लोब्बा गोनां मानि लन्डिं केसआव बिथांखौ इडिनि रिमान्ड जोबनायनि उनाव 15 साननि बिजिरनायनि जिम्मायाव टिहार दैथाइहरबाय। अरिन्द केचिवालनि सिगां आपनि साथाम गाहाइ दैदेनगिरि सैत्येन्द्र जैन, मनिष सिंसडिया आरो सन्जय सिंहखौ जेलाव दैथाइ हरदोमोन।

## गाजायाव इज्राइलनि गाग्लोबनायाव साब्रै गुबुन हादतयारि हेफाजाबगिरि मावसुमाजो लोगोसे सालायग्रा दोलोनि जिउ ख'हा

गाजापट्टि, 2 एप्रिल : इज्राइल आरो हामासनि गेजेरव सोलिनाय दावहायाव बैसोर बायदि सुबुफोर फेंगासिनो दड, जायफोरहा बे दावहाजो जेबो सोमोन्दो गैया। बिसेर औरैबायदि सुबु, जायफोरा सुबुथिनि सायाव बिथा खालामनानै दावहाजो भुगिनांनय सुबुफोरनो मदत खालामनो थाखाय आवगायबोदो। गाजायाव इज्राइलनि गाग्लोबनायफोरव वलर्ड सेन्ट्रेल किटचेननि थाखाय खामानि मावग्रा हारिमायारि हेफाजाबगिरि मावसुमाफोर आरो बिसेरनि फिलिस्ताइन फोलेरनि गारि सालायग्राफोरा जिउ नागारदो। गाजांनि फाहामगिरिफोरा बेनि सोमोन्दैयै खौरं होदो। हेफाजाबगिरि मावसुमाफोर आरो गारि सालायग्राफोरा जाहाजजो सा गाजा दैथाइहरनाय जाग्रा मुवा-बेसाद आरु गुबुन रेहाय गोनां मुवा-बेसाद सोहेहोनायाव मदत खालामदो, जायनि उनाव इज्राइलनि गाग्लोबनायाव बिसेरनि जिउ ख'हा जायो। इज्राइलनि फारसेनिफ्राय खालामनाय बे गाग्लोबनायनि मोनसे भिडिअ पुटेसआबो नुजाथिदो। जेखव गेजेर गाजा सहर दिर अल बलाहनि अल-अक्सा मार्टस देहा फाहामसालियाव साबा सुबुफोरनि गोथै देहाखौ नुनो मोन्दो। फाहामगिरिफोर




थेनायफोरनि गेजेरव साथामनि पासपर्टखौ नोजोर होयो। बे पासपर्टनि गेजेरजो नुनो मोनोदि, बिसेर ब्रिटेन, अस्ट्रेलिया आरु पलेन्डनि नोगोररिमोन। आधिखालाव ब्रैथि हेफाजाबगिरि मावसुमाफोर बबे हादतनि नोगोररिमोन बेखौ मिबथिनो मोन्नाय जायाखौ। सुलुनि बायदिव्ला हेफाजाबगिरि

मावसुमाफोर साइप्रसनिफ्राय जाहाजनि गेजेरजो माखासे घन्टा सिगां फैनय रेहाय होग्रा मुवा-बेसादखौ सोहेहोनायनि उनाव जेब्ला सा गाजाखौ बरो अब्ला बिसेरनि कारआव इज्राइलआ गाग्लोबो। बे गाग्लोबनायाव हेफाजाबगिरि मावसुमाफोर आरु सालायग्रांनि जिउ ख'हा जायो। आधिखालाव बे गाग्लोबनायनि खालामदोमोन।

## अरुनाचल प्रदेशनि मोन 30 जायगाफोरनि मुं सोलायनायखौ भारतआ गोखौ फिनजाथाय होदो

गोदान दिल्ली, 2 एप्रिल: अरुनाचल प्रदेशनि मोन 30 जायगाफोरखौ चीनआ गोदान मुं दोन्नायखौ भारतआ गोखौ फिनजाथाय होदो। समबारखालि गुबुन हादरयारि मन्थि एस जयशंकरआ बुंदो मोनदि, अरुनाचल प्रदेशआ भारतनि राइज्यो आरु इयुनावबो भारतनि राइज्यो महै अरायबो थागोन। बे आयदायावनो दिने गुबुन फोथाराव फसंदो। मख'जाथावदि उरिष्यायाव 2000 माइथयनिफ्रयनो बिजेदि पार्टीनि गोहोम सोलिबोदो। उरिष्या बिधानसभा बिसायख'थिनि फिथाइखौ लकसभा बिसायख'थिनि फिथाइजो जयै 4 जुनखालि फोसावनाय जागोन। थांनय सप्ताहयाव नबिन पाटनायकनि पाटि बिजेदिआबो गावनि बिजाथिफोरनि मुंखौ फोसावदोमोन।



हादरयारि मावख'आ फिनजाथाय होदो। गुबुन हादरयारि मावख'नि बुंथिगिरि गणधीर जयसवालआ बुंदो, चीनआ भारतनि अरुनाचल प्रदेश राइज्योआव गुबुन गुबुन जायगाफोरनि मुंखौ सोलायनानै गावनि आदुवा आखुखौ दिन्थिवावदो। बेबादि गनायजाथाव नैनाजानायखौ भारतआ जेब्लायबो नेवसियो। गोसो जानानै मुं दोन्नायजो नंगुबैआ सोलायनाय नड, अरुनाचल प्रदेशआ भारतनि मोनसे एंगारहायै आरु आंगो बाहागो आरु जेब्लायबो भारतनि जानानै थागोन। गुबुन हादरयारि मन्थि आ बुंदोदि, मुं सोलायनायजो जेबो मोनफुनो हानाय नड। जुदि आं नॉनि न'नि मुंखौ सोलायनानै होयोब्ला बे न'आ आंनि जागोन नामा? मुं सोलायनायजो जेबो जाया आरु बेजो जेबो गोहोमबो गोग्लैया। एलएसिआव भारतनि सान्थिफोरा थिसनजानानै दड आरु बैयाव मा खालामनानै गो बिसेरो मिथिगो होनानैबो मन्थिआ बुडे। सरकारि खौरं बिलाड ग्लबेल टाइम्सआ रबिबारआव फोरमायदो, चीननि नोगोररि केसफोरनि मावख'आ जंनानआव मानसावगारि भुमखौराहारि मुंफोरनि ब्रैथि फारिलाइखौ फोसावदो। चीनआ अरुनाचल प्रदेशखौ जंनान होनानै बुडे आरु खोला तिब्वतनि बाहागो होनानै बे राइज्योखौ गावनि होनानै दाबि देखाडे।

## इपिएफअआ पिएफजो लोब्बा गोनां नेम-खांथियाव सोलायना होदो

गोदान दिल्ली, 2 एप्रिल : गोदान रंखांथि बोसोरा जागायखांबाय। बेजो लोगोसे माखासे गोनांथि जानाय गोदान नेम-खांथिफोरखौ सोलिहोनाय जादो। बेबायदिनो मोनसे नेम-खांथि जाय, पिएफ एकाउन्टजो लोब्बा गोनां आरु 1 एप्रिलखालि इपिएफअनि फारसेनिफ्राय गोदान नेमआ सोलिबाय। बे नेम सोलिनायजो मावसुमाफोरा थोंजोडै मुलाम्फा मोनगोन। रिपर्टनि बायदिव्ला, गोदान नेम-खांथिनि गेजेरजो पिएमखौ एकाउन्ट अट' ट्रान्सफार खालामना होनाय जादो। बेनि ओंथिया बेनोदि, आधिखालाव साखिनि सोलायनायाव पिएफखौ गोदान एकाउन्टआव ट्रान्सफार खालामनायनि गोनांथि जानाय नलिया। बिदिन्थिनि थाखाय जुदि नोथाड साखि सोलायोबो 1 एप्रिलनि उननिफ्राय पिएफआ गावनो गाव एकाउन्टआव ट्रान्सफार जासिगोन। बेनि सिगां जेब्ला नोथाड साखि सोलायोमोन अब्ला इउएनआव गोदान पिएफआ एकाउन्टजो सरजाबोमोन। साखि सोलायनायनि उनाव अनलाइन इपिएफअनि वेबसाइटआव थांनानै इपिएफ एकाउन्टखौ ट्रान्सफार खालामनानै जायोमोन। आधिखालाव गावनि पिएफ एकाउन्टखौ ट्रान्सफार खालामनायनि गोनांथि जानाय नलिया। बियो साखि सोलायनायजो लोगोसे अट'मेटिक



ट्रान्सफार जासिगोन। सुलुनि बायदिव्ला पिएफ एकाउन्टआव मावसुमाफोरा बे बेचिक सेलारिनि 12 जौखोन्दोखौ बिहोमा होनांगौ जायो आरु बेसेबांखौ थिसनग्राफोरनि फारसेनिफ्रायबो होनाय जायो। बे एकाउन्टनि गेजेरजो मावसुमाफोरनो उनाव पेन्सन

होनाय जायो। इपिएफअनि पेरल डायनि बायदिव्ला 2024 नि थांनय जानुवारी दानाव इपिएफअजो 16.02 लाख सोद्रोमाफोरा सोमोन्दो लाखिदोमोन आरु बे खौरांखौ लेबार बिफाननि फारसेनिफ्राय होनाय जादो। बे समाव गासै 8.08 लाख गोदान

सोद्रोमाफोरा इपिएफअआव गावसोरनि रेजिस्टार खालामदोमोन। बिफाननि बायदिव्ला मावसुमाफोरा इपिएफअनि पेरल डाययाव 16.02 लाख सोद्रोमाफोरनि थि अन्जिमाखौ फोरमायदो।

## बिजेपिआ उरिष्या बिधान सभा बिसायख'थिनि थारवाय बिजाथिफोरनि मुं फोसावबाय

गोदान दिल्ली, 2 एप्रिल: लकसभा बिसायख'थि 2024 जो लोगोसेनो उरिष्याआव बिधान सभा बिसायख'थि खुंजागोन। बिजेपिआ बेनि थाखाय राइज्योनि मोन 112 मासिफोराव गावनि बिजाथिफोरनि फारिलाइखौ दिने फोसावना होयो। बे फारिलाइयाव बिजेपिआ गभर्धन भुएखौ पडमपुरनि बिजाथि फोसावदो। फारसैथि बिजेपुरआव सनत कुमारनो

खावु होदो। खौरानि बायदिव्ला, उरिष्या बिधान सभा बिसायख'थिखौ मोनबा खोलोबाव खुंनय जागोन। गिबि खोलोबा 23 मे आव जागोन, जेराव मोन 28 बिधान सभा बियाबफोराव भट, सोनाय जागोन। बिजेपिआ फोसावनाय बिजाथिफोरनि फारिलाइयाव बारगरनिफ्राय आस्विनि कुमार सारंगिखौ बिजाथि फोसावदो। फारसैथि अट्टाभिरा (एससि) निफ्राय निहार रज्जन महानन्दा,



भटलनिफ्राय इरसिज आचार्य, ब्रजरज नगरनिफ्राय सुरेज पुजारि

आरु झारसुगुदानिफ्राय तंकदर त्रिपाथिखौ बिसायख'थि

# भारतआव सानआ बबे राइज्योआव ऑखारजेनो आरो सिगांसिनै सान हाबो?

बहुमनि माखासे हादतनि बबेबा बाहागोखौ सान ऑखारनाय आरो हाबनायनि थाखाय मिबथिनाय जायो। जॉनि भारत हादतनि बबे गामिनि सुबुंफोरा साननि सोरांखौ गिबिसिनै नुनो मोनो? बे गामिनि मुझ आरो बबे राइज्योआव दड? बेनि फिनायखौ जॉनि हादतनिनो गोबां सुबुंफोरा मिबथिया जानांगौ।



बेबायदिनो मोनसे मख 'जाथाव सॉथिखौ दिने लानानै फेदो, जेराव सॉनाय जादोदि, भारतनि बबे राइज्योनि मा गामियाव बयनिखुइ गिबिसिन सान ऑखारो? बे गामिनि मुझ मा? गिबियै सान ऑखारनायनि जाहोनाव माखासे सुबुंफोरा बेखौ बारतनि जापानबो बुडे। भारत हादतआव गिबिसिन सान ऑखारणा होन्ना बुडेब्ला,




बे राइज्योआ जादो अरुणाचल प्रदेश। बे राइज्योनि अन्जाअ जिल्लानि दरसे फिसा गामिया जॉनि भारत हादतनि गिबिसिन सान ऑखारणा जायगा। थामहिनबा बे गामियावनो साननि सोरांआ गोर्लैजेनप्रोयो एबा बेयाव हादतनि गुबुन जायगाफोरनिखुइ सिगांसिन सोराडे। बे गामिया जादो डंग। बेयो लैथोमा थालानिफ्राय 1,240 मिटर




बे राइज्योआ जादो अरुणाचल प्रदेश। बे राइज्योनि अन्जाअ जिल्लानि दरसे फिसा गामिया जॉनि भारत हादतनि गिबिसिन सान ऑखारणा जायगा। थामहिनबा बे गामियावनो साननि सोरांआ गोर्लैजेनप्रोयो एबा बेयाव हादतनि गुबुन जायगाफोरनिखुइ सिगांसिन सोराडे। बे गामिया जादो डंग। बेयो लैथोमा थालानिफ्राय 1,240 मिटर



गोजौआव अरुणाचलनि अन्जय दैमा-हाजोफोरजौ बेंखनानै थानाय दरसे गामि। गिबि खेब 1999 आव मिबथिनो मोन्दोमोनदि, साननि गिबि सोरांआ भारतनि बे गामियावनो नाफैजेनो। बेनिफ्राय लासै-लासै साननि सोराड गोसारलाडे। चीन आरो म्यान्मारनि गेजेराव थानाय बे गामियाव लुहित आरो सति दैमानि लोगो



मोनलायनाय जायगाबो, जायजौ गामिया समाइनासिन जायो। डंगआव बे सान ऑखारजेन्यायखौ नायनो थाखायनो मुलुगनि खना-खनला जायगाफोरनिफ्राय गोबां दावबायारिफोरा हाजोनि उनथिं थानाय बे गामिसिम दावबायफैयो। अदेबानि गामिसिम सौहैनो थाखाय 8 किल 'मिटर थाबायनानै थानांगौ जायो। भारतनि गुबुन बाहागोफोरनिफ्राय 1 घन्टा सिगांसिन सोरांआ डंग



गामियाव नाफैयो। बेयाव सानआ थाबसिनै ऑखारो आरो थाबसिनै हाबो। गोजौ बोथोराव बेयाव फुंनि 5:45 रिगायावनो सान ऑखारो आरो 4:30 रिगायावनो सान हाबो।

# रंजालि गथ'फोरनि सौरा

## गोरोबनै खन्थाइ

हाखरनि एमबौ गाबबाथाय  
अखाया लुफाव फैखाबाय

बैसागु बोथोर फैबाथाय  
बारदैसिख्ला फैखा थारबाय

गोसो गुसु नड जायनो  
हाया रागाखौ जिमायनो

हायो रागाखौ जिमायनो  
गोसो गुसु नंगौ जायनो

नंगौ साफा गोरबोआसो  
जानो हायो मोजां गोसो

जानो थाखाय बायगर मानसि  
बुंलाय नाड बाब्राव बासि

नाथाय मोजां जानो थाखाय  
नांथारगौ जायो बाथायनाय

नों सोरखौबा बायगर जानो  
हरदम नाड बाथाय लायनो

नाथाय मोजां जानो थाखाय  
नांथारगौ जायो बाथायनाय

मानसि जिउवाव बेराम आजार  
बिलिर फैयो जिंगोर जिंगोर

मानसि जिउवाव बेराम आजार  
थाखा थारो अराय बोथोर

नोंनि मुझ जेरै जौमोन  
नंमारगौ नों बाजो मेगन

-रैदोम बर',  
माजदिया, बगुलामारि,  
बाक्सा

## सायनासालि

दिनै आनि गोसोआव  
जाखाफेदो मोनसे सायना सालि  
लुनायनि खोथा।  
जाय सायनासालियाव  
बयबो रंजानो हागोन  
बयबो उदाडै खोथा बुंनो हागोन।  
गैया बेवहाय रावनिबो हेंथा  
जाय सायनासालिया  
जागोन खौसेथिनि सायनासालि।

-दिपेन चन्द्र बर'  
रडिया, कामरुप

## रजेनि सावगारि

आनि गोसो बल बामआव  
नों बारसे गलाप बिबार  
थारै सान अखाफोर आरो बैसोमुथिजो  
रुजुयोब्ला नुवा जेबो फाराग।  
रजे!..... नों  
आंगोनिबो आंगो  
बेयोदि आंनिल' नड बयनिबो  
समायना बुहुम बिखायाव  
सोरजनि..... नों  
सुखु-दुखुनि थान्दै,  
सोमखोर गोथां मेगननि हाबिलायाव  
थारैनो होबोदो नों आंनो  
मिलौहाब बेरे बिदै रैसुमै खहाब।  
रजे.....

जिउनि जोबनो गैथै आगानाव  
गोजान खाथि हांखायो  
दुखु-हांमा हांसानि समाव  
दान्दिसे मोनो हास्थायो।  
रजे.....  
थाफै नों जेरावखि जाया  
था नुफा-माफा साया-माया  
मिथिंगा बिखायाव सान-अखाफोर  
हाथरिख-हालाफोरा जेरै  
रंगिना आबिरखौ सारफावदों  
रजे था दिदोम नोंबो  
अराय सम मिथिंगानि आन्दोयाव।

कमल मुछाहारी  
गामि: खुंघिं, ला:सो: खुंघिं  
जिल्ला: चिरां

## हावरिया खाफाल

आय जिउ नोंनि  
बेसेबा दुखु-दाहा हांमा  
बुंस' हाया फोरमायस' हाया  
नोंनि जिउ दैथुनखौ।  
हास्थायनाय दंमोन नोंहाबो  
दिनेनि मुलुगुआव  
आगान सुरलानो  
मिजिक दंमोन नोंहाबो  
गंसे दिड जावलांनयनि,  
नाथाय गैया दिने...  
आगोनफ्रोम दुखुनि  
फाखनाव गिदिनांबाय  
मिजिकखौ लानानै आलाइ-सिलाइ।  
नागिर बायो नों गुबुननि साया  
गैया नाथाय नोंजों लोगोयाव  
मोनाखैसै नों सुखुनि देंखो  
खुसिनि मेथाइ,  
खालि नुबाय नों  
गावजों गाव नासयनाय,  
मुगैलायनाय गाबनाय  
दुखु दाहानिल' देंखो।

जनन कुमार बसुमतारी  
गामि: सा थाइगिरगुरी (खुंघिं)।

## दावगालांदो बर' हारि

दावगालांदो बर' हारि,  
गोदोसोनाय हारिखौ बोखांदो  
खालामदो बर' हारिनि सिनायथि।  
गिनानै रावबो फावसयना थानो नाड,  
बर' हारिनि गेजेराव फोथायनायखौ ला।  
जान्जि खाफ्रानानै बोलो फोरानानै  
सुथुरफोरखौ बेंथाहैदो,  
नडब्ला हारिया बयजोंबो नेवसिजागोन।  
हारिनि थाखाय गावनि देहानि  
थैखौ दै खालामनानैब्लाबो,  
हारिनि थाखाय जिउ बाउदो।  
जौखांहोदो सानसे हारिखौ  
दुखुनांथाव हारिखौ सोराडव लाबोदो,  
दावगालांदो बर' हारि।

थरायना पृथिवि ब्रह्म  
गामि- गाम्बारि बिल

## बावनो हाया

मिथिंगानि बे बुहुम बिखायाव  
नोंनि हाइलोलो महरखौ नुनानै,  
आं माबोरै बावनो हानो,  
नोंनि बे फेलैबसे अन्नायानो  
आनि गोसोखौ खामगिल होबाय,  
आय' सिख्ला सोर नों?  
नुहां-नुवाहां बेरे सिखिरिफोर बायदि  
हाइला-हुइला मोसाफैयो नों  
आनि बिखा गोरबोयाव।  
गोसो सिनि दावहाथिलियाव  
नोंनि बे मोजोमसे अन्नाय,  
आनि बे गोसो गोरबोयाव  
दान्दिसेनि थाखायब्लाबो  
नोंनि बे अन्नायखौ  
बावनो सानब्लाबो बावनो हायाखै  
आनि बे जिउखौ  
फैमाल दाखालाम नों।  
माबायदि बिष सोनानै होलांखो  
आनि बे गोसो गोरबोयाव  
सहायनो हायाखिसै आं  
नोंनि बे फेलैबसे अन्नायखौ  
आय' सिख्ला सोर नों?

मुसि गुथाल बर'  
दतमा गोजौसिन फरायसालि

## आनदाय नांबाय आं

गैया आंहा दा जिउआव  
सासेबो थार लोगो  
मानो बावलांखो सनामोन  
नोंसोर आंखौ... ?  
गैयामोन आंहा नोंनिसिम अनगा  
रावबो लोगो नोंसोरनो आनि  
थार लोगोमोन रन्जिथा, रैसना  
मन्जिथा नोंसोर मानो आंखौ  
गारलांखो... ?  
मालायफ्रा सानोमोन जौखौ मोजां मोनलायो  
जानांगौ नोंसोरबो बिसिनि सान्नायखौ  
गात्रि मोन्दो नाथाइ नोंसोर आंनो  
मानो फोरमायाखै... ?

श्री जहज बसुमतारी  
कारियाव बाजार

## बादारी

मेंसुला आय' नोडे  
बादारी खानानै नाव  
माथो दड नोडे उन्दुनानै!  
सिखांदो बादारी, सिखांदो नोडे,  
मेंसुला नोंहादि साना गैलिया।  
बिबोगौ जोमैया  
खोमसिया साग्लोब बोगौ।  
सिखांदो उन्दुनो समा गैलिया।  
नुदों नोडे आय' गाथोन सेराव,  
गोमोहाब गोसोजों सिमां बेसे,  
नाथाय हालिया, जानाय नॅलिया  
सिखांदो उन्दुनो समा गैलिया।  
फोजा खांदो फोरजा फिसाफोरखौ  
जिउखौ गथायना बारसोमहैदो  
दाफासय सुथुरखौ नुनानै,  
सोमखे दाखालाम बर' बिमाखौ  
सिखांदो बादारी उन्दुनो नोंहा सम गैलिया।

सोमखोर बसुमतारी  
हेल अन्थायबारि गोजौ फरायसालि  
गामि: धहोनगुरी  
जिल्ला: कक्राझार।

## जिउनि अनजालु

नों आनि जिउनि मोदायजो अनजालु  
मोजां मोनदोंमोन आं नोंखौल अनजालु  
सानाखैमोन आं नोंखौ बिब्दि जागोन होन्ना।  
अरायबो सानो आं नोंखौ आंगो  
बावनो हाया आं नोंनि अन्नाय।  
जाखां फैयो सिमां मोकथां जेब्लाबो  
नोंनि महराल' अनजालु नुफा-माफा,  
जौदि सानैजों बेसेबां मोजां मोनलायोमोन आरो  
बेसेबां अनलायमोन आंगोनि साननानै।  
आनि गोसोखौ उसाव-बादाव  
खालामबाय थाफैयो नों अनजालुआ,  
नोंनि अननायखौ बोरै बावनो हाबावनो आं  
अनजालु सिमां मोकथां जाखां फैयो नोंनि महर।  
बुजिसनो हायासै आं अनजालु मानि थाखाय

## दोंथाम लिमारिक

(क)  
गंगा हलाव बर' सिनिमा जादों,  
संग्रा सिख्लाफोरा उरां फारां जाथारदों,  
ऑंखाम उखैया दैबो गाड जाथारदों  
माब्लादि जरा जरा आखाय हमच्लायाना-  
सिनिमा हलाव सिनिमा नुगोन,  
बिनिसो अराय सानथारलायसै।  
(ख)  
साफारा गामिनि फेंखु दाखं,  
थाबायनाया बिनि दाखं-दुखुं  
हिन्जावखौ गोसो थोगारबाय  
बियो बात्रि आवला-  
दसेनो गोसो थोब्रबो, दसेनो गारखबो-  
रावजोंबो मोजां बुंजाला गावनि आखलावनो  
सिख्लाफोर नुब्लाथाइ-  
बार 'स' नि फनखौ दिहुनप्लग्रा  
(ग)  
जों लागोनि सामा गोरान  
सोलेरा बिनि थैहां-बर'हां  
सिकुरिटि गार्डआव इन्टरभिउ होदों-  
गोजौआव मोफौ गाहायाव बाहागो  
जागोनखि-जाया-  
बिफानाव रां दाबिदों बा रोजा रां  
बिफाया खिलामा गावब्राबाय

मुसि मैखोम दैमारि  
उमानन्द गोजौ फरायसालि  
खासफुर (हालांबाजार)

नों आंखौ मानो बावगार लांखो।  
गोरोन्थिआ आनि नड अनजालु नोंनिसो  
गोसोखांब्ला फारिल बायदि जायो आं  
अनजालु आनि बे हास्थायनाय गोसोआ  
आनि जिउनि मोदायजो अनजालु।

मिस सानसुलि बसुमतारी  
जाइनारि गोजौ फरायसालि  
गामि-गाग्रगुरि  
जिल्ला- कक्राझार बिटिण्डि आसाम

# गोखो गोहोगोनां मोब्लिन थारा सासे स्कुटि सालायगिरिनाव गोव्लैदेरदो

**बासुगाव, 2 एप्रिल:** चिरां जिल्लानि बासुगाव सहराव दिने सान्जौफु नि समाव मोनसे गिखंथाव जाथाय जानायनि खौरं मोन्नाय जादो. स्कुटि सालायबाय थानाय सासे सुबुनि देहायवनो गोजो गोहो गोनां मोब्लिन थारा गोव्लैदेरो। बे जाथायनिफ्राय स्कुटि सालायगिरिआ खुनु-रुखुमै जिउ रैखा मोन्ना हायो। मिबथिनो मोन्नाय बायदिब्ला बासुगाव सोहोरनि 2 नं वार्डनि (बन्धना सिनेमा हलनि साखाथि) लामाजो थांबाय थानाय समावनो हरखाबै गोजो गोहो गोनां मोब्लिन थारा गोव्लैदेरानै सासे अनलाइननि मुवा-बेसाद रोगाग्रा लाइमोननि देहायाव गोव्लैदेरो। खाफाल मोजांनि बाश्रादि, मोब्लिन थारा देहायाव गोव्लैदेरदो ब्लाबो स्कुटि



सालायगिरि जयराज राय (38)आ जेबो देहायारि ख'हा जायाखै। हरखाव गोजो गोहो गोनां मोब्लिन थारा देहाया गोव्लैदेरानायखौ नुनानै साखाथिनि सुबुंफोरा स्कुटि सालायगिरिनि साखाथियाव

खारबोयो आरो जाथाय सालिनफ्राय स्कुटि सालायगिरिखौ हाखु-दाखुयै बोखारनो हमो। गोजो गोहो गोनां मोब्लिन थाराजो नांजानानै माखासे फासंलनि मुवा-बेसादफोरा ख'हा

जानायनि उनाव औवा गोरानजो थारखौ बोखारनानै होनायावसो बेसादफोरखौ रैखा खालामनो हायो। बासुगाव सोहोरनि बे सुबुं थाग्रा ओन्सोलयाव बेबायदि जोमै गैयालासेनो अखा खोरमनाय

बायदि जाथाय जानायखौ मोब्लिन बिफाननो फोरमायनायनि उनाव बिबानगिरिफोरा सासेबो खौरां लाहैयैनि गोखो अजद सिखांदो। मोब्लिन बिफाननि बेबायदि गोहैलु आखुनि थाखायनो गिखंथाव जात्रबथाय जानो मोन्दो होन्ना अजद दैखानायखौ नुनो मोन्दो। मोब्लिन थारा जनानै हायाव गोव्लैनाथै थानायनि जोहोनाव ओन्सोलनि सुबुंफोरा थांलाय-फैलाय हान्थिनायाव आरो ओन्सोलयाव मोब्लिन आंखाल जादो होन्ना गोखो अजद सिखांदो। अदेबानि जात्रबथाय जाखांनयनि 40 मिनटसोनि उनावनो मोब्लिन बिफाननि मावफारियाफोरा जाथाय सालियाव नुजाथि हैनानै मोब्लिन थाराखौ फाहामनानै गालांफिनो।

**कलाइगाव, 2 एप्रिल:** दरं जिल्लानि तेडबारियाव हारिमु सिबियारि एबा दंखोगिरि दावबायारि थियेटर मुलुगनि दंखो सामलायगिरि धिरेन डेकानि सारादुआ गाहामै-गाहामनो खुंजाबाय। मख'नो गोनांदि, डेकाआ थांनय 25 फेब्रुवारीयाव हरखाबै बे बुहुमनिफ्राय बिदाय लालांदोमोन। दिने सानसेनि हाबाफारिजो हारिमु सिबियारिनि गोथार सारादुखौ खुंफुनायखौ नुनो मोन्दो। मख'नो गोनांदि, दंखोगिरिनि बे हाबाफारियाव बान्जाय आफादिन आफादगिरि प्रेमनन्द बराआ आलारि बाथि फोजोनानै होयो। गोजाम हारिमु सिबियारि बासव डेकाआ मान बाउनायजो लोगोसे मुंदांखा हारिमु सिबियारिनि आंगो बिसि



बद्रेश्वर डेकाआबो मुंख्नि सावगारियाव बिबार बाउनो मान बाउनायखौ नुनो मोनो। बे हाबाफारिजो लोब्बा लाखिनानै भगवत फरायनाय, नाम किर्टन खननाय आरो मोनसे गोसोखां सावराय मेल खुंफुनाय जायो। बे हाबाफारियावनो आसाम साहित्य सभानि बाराग'गाहाइ नेहाथारि यादव शर्माआ गांसे

गोसोखां लाइसि बेखेवनानै होनायखौ नुनो मोन्दो। बे हाबाफारियावनो हारिमुवारि फसंथाननि एबा श्रीश्री गविन्द मिश्र साहित्य सभानि आफादगिरि तरुन आजाद डेकाजो लोगोसे गोबां महरगिरि, दंखोगिरि आरो सिबिजाथाव सुबुंफोरानो बाहागो लानानै मुंख्नि सायाव बिबुंथि लाखिलांनयखौ नुनो मोन्दो।

(□ 1 बिलाइनफ्राय)

## मोनसे समनि हाग्रामा महिलारीनि सान्थिफोरा खारजोबबाय: उखाव गोरा ....

महिलारीआ सिगानि समाव सासे उतखारिसोमोन। हाग्रामा महिलारीनि एबा बिपिएफनि नांगोलआ बोसोरथाम हालखोनो मावयाखै। नांगोलनि हालआ माराम खाजोबबाय। गेदा फालजो हायाव माब्लाबाबो हाल एवो हाया। बाहाय बिगियाननि मुगायाव आथिखालाव ट्रेक्टरसो सोलिसै। आथिखालाव ट्रेक्टर नडब्ला जेबो खामानियानो जाला। बेनिखायनो हाग्रामा महिलारीआ आथिखालाव जौनि थाखाय जेबो फेक्टरनो नड। महिलारीनि बिसायख थियारि फोसावदिनाय मेलयाव आथिखालाव राइजो-राजाफोरा नुजाफैला। बेनिखायनो गामि सिं-सिं हाबानानै नख'र-नख'र सुबुंफोरखौ लोगो हमहैनो गोनां जादो। बेबायदिनो बिटिसिनि बाराग'गाहाइ मावफुं सोद्रोमा हाग्रामा महिलारीखौ गोखो रवजो सांखारिनानै केबिनेट मन्थि एबा इडपिएफनि गायसनगिरि-आफादगिरि उखाव गोरा ब्रह्मआ सालबारियाव बिबुंथि लाखिनायखौ नुनो मोन्दो। मख'नो गोनांदि, उखाव गोरा ब्रह्मआ सालबारि ओन्सोलयाव कक्राझार लकसभा बियाबनि एनडिएनि एबा इडपिएफनि बिजाथि जयन्त बसुमतारिनि जानानै ओंखारनाय मोनसे गेदेर बाइक रेलियाव बाहागो लानानै खौरां बिजोनि सिगाडाव गावनि बिबुंथियाव नब'कुमार शरनियाखौबो आथिखालाव अबर'नि बिजाथि नंला होन्ना फोरमायो। बिटिसिआव आथिखालाव अबर'बो गैला आरो नब'कुमार शरनियाआबो गैला। बे खेबनि बिसायख थियाव बर'एबा अबर'सोदोबोखोनो बाहायनो नाड। कक्राझार लकसभा बियाबआव जयन्त बसुमतारियाबो बर'महैरल' बिसायख थियाव बादायलायाखै। गोहो गोरा एनडिएनि बिजाथि महैरसो जयन्त बसुमतारिआ कक्राझार लकसभा बियाबनि बिजाथि महैर गसंदो। खेबनै एमपि जानानै थांखांनय नब'कुमार शरनियाआ जिएसपि दोलोनि बिजाथि फोरमायदोब्लाबो बेजो लोगोसे जिएसपि दोलोनि सासेबो सुबुंआबो गैलिया। इडपिएफनि सायाव नरेन्द्र मदिनि एनडिए मोनसे गोहोगोरा दोलोनि आखाइ दड। नरेन्द्र मदिनि बोर मोन्नाय जयन्त बसुमतारिनि सिगाडाव नब'कुमार शरनियाआ जेबो फेक्ट नड। कक्राझार लकसभा बियाबआव बे खेबनि बिसायख थियाव शरनियाआ 2 लाखनिखूडो खमसिन भट मोनगोन आरो बेबायदिनो बिपिएफनि थासारियाबो एखे जागोन। बेनिखायनो देहानानै थाखानाय जयन्त बसुमतारिखौ गोबां भटयाव देहाहोरनानै नरेन्द्र मदिखौ कक्राझारजो लोगोसे बिटिआरनि फारसे नोजोर खोखेनो नाजानांगो। बे हाबाफारियाव बाहागो लानानै मन्थि उखाव गोरा ब्रह्मआ कंग्रेसखौ बेमारि सुबुंजो रजुनायखौ नुनो मोनो। कंग्रेसनि बिजाथि गर्जन मुसाहारिआ 50 रोजाबो भट मोन्नाय नड होन्नानै गोखो रवजो सांखारिदो। बे हाबाफारियावनो बाहागो लानानै भवानिपुर बिधान सभा बियाबनि एमएलए पनिधर तालुकदारआ हाग्रामा महिलारीजो लोगोसे नब'कुमार शरनियाआ आरो कंग्रेसखौबो गोखो रवजो सांखारिनायखौ नुनो मोन्दो। मख'नो गोनांदि, मन्थि उखाव गोरा ब्रह्मआ सालबारि फरायसालिमनि गेवलां गेलेग्रा फोथारव ट्रेक्टरनि स्टेरियाव जिरायनानै अगप, इडपिएफनि आरो बिजेपिनि फिफिफला सोमावनानै मथर साइकेल हान्जा सुरनायखौ बेखेवनानै होनायखौ नुनो मोन्दो। बे हाबाफारियाव मन्थि उखाव गोरा ब्रह्मजो लोगोसे बिटिआरनि मावफुं सोद्रोमा गौतम दास, एमएलए पनिधर तालुकदार, एमएसएलए मन्तु बर', जय मुसाहारि, सालबारि टिसिएलसिसिनि मासिगिरि बिन्द मसाहारि, बिजिपिनि दैदेनगिरि चरत शर्माजो लोगोसे गोबां इडपिएफनि, बिजेपि आरो अगपनि दैदेनगिरि-मावफारियाफोरा बे हाबाफारियाव बाहागो लानायखौ नुनो मोन्दो।

## गलाघाट पुलिसआ गोबां बिबानि ड्रागसजो लोगोसे सासे फालांगिरि हमदो

दं। माखासे समाज बेरेखा सुबुंफोरा राइज्योनि दाव-दाव जायगाफोरा ड्रागसनि फालांगिरिखौ सालायबोबाय थाबोदो। बेनि गेजेरावनो दिने गलाघाट पुलिसआ गोबां लाख रं बेसेनि ड्रागसजो लोगोसे सासे ड्राग फालांगिरिखौ हमनो हायो। हमनो हानाय ड्रागस फालांगिरिनिफ्राय पुलिसआ हेर'इन्जो आबुं गं 8 कन्टेनरफोरखौ बोखानो हायो। पुलिसआ फोरमायनाय बादिब्ला हमनो हानाय सुबुंखौ अजय सिंह होन्नानै सिनायथिनो हादो। ड्रागस फालांगिरि अजय सिंहआ गलाघाटआव फान्नायनि थांखिजो नागालेन्डनि डिमापुरनिफ्राय हेर'इन्जो लाबोदोमोन होन्नानै पुलिसआ फोरमायदो। पुलिसआ मिथिहोनाय बादिब्ला मोनसे संगालि सुलुंनि बिथायाव गलाघाट पुलिसआ नामबर हाग्रा ओन्सोलनि खाथियाव थानाय जुरिया दालांआव सिग्रोमनाय हाबाफारि लादोमोन। संगालि सुलुंनिफ्राय पुरिसा सासे सुबुंआ गोबां बिबानि हेर'इन्जो गलाघाट फासं थांबाय थानायनि फोरमायथि मोन्दोमोन। पुलिसआ अजय सिंहखौ सिग्रोमनाय समाव स्कुटरनिफ्राय गासै 132 ग्राम हेर'इन्जो कन्टेनरखौ बेखानो हायो। लोगो गोलोनो पुलिसआ ड्रागस फालांगिरिखौ जायगायावनो खायो होन्नानै मिथिहोदो।

## सिफुं हारिमु आफादआ 10 थि बोसोरारि जोनोम सान फालिनायजो लोब्बा लाखिनानै ...

आयदानि सेमिनारखौ बेखेवनानै होयो मिरु एबसुनि बुंथिगिरि अबित नाजारीआ। बेखेवनाय बिबुंथियाव बिथाड बर'हारिखौ गेरेमसा खालामनो थाखायनो एबसुआ हारियाव मावनाय मिसनफोरखौ मख'देरानै मोसानाय आरो मेथाइ खननायनि सायाव सुंद'थै बिबुंथि लाखियो। लोगोसे बर'फोरनि दोरोडरि मोसानाय आरो मेथाइ खननायफोरखौ रेमिक्स खालामनायनिफ्राय बयबो गोजानाव थानांगो होन्नानै बयबोबो बिनि सायाव सांग्रा जानो खावलायो। सेमिनाराव सावरायगिरि महैर बाहागो लायो बड'लेण्ड मुलुगसोलोसालिनि प्रफेसार आरो साहित्य अकाडेमि बान्था मोनगिरि उ इण्डरा बर'आ आरो दुलाराय बर'हारिमु आफादिन बोसोनगिरि आरो प्रतिमा बरुवा पाण्डे बान्था मोनगिरि रेहन्द्रनाथ ब्रह्म आरो सिफुं बिसम्बिखौ बेखेवनानै होयो चिरां जिल्ला बर'थुनलाइ आफादिन आफादगिरि नगेन्द्र नाजारीआ। सेमिनाराव मिरु एबसुनिफ्राय हारिमु नेहाथारि सुसिल इस्लारी, लोगो हारिमु नेहाथारि बुद्धिनाम बसुमतारि आरो लोगो थुनलाइयारि नेहाथारि सिबिसन नाजारीयाबो बाहागो लायो।

## बारहुंखाजो गाजि गोहोम गोव्लैनाय मजाटि गामियाव खौरां लाहैनानै ख'हा जाजानाय ...

फरायसालिखो नायगिदि हैनानै खौरां लाहैनायजो लोगोसेनो राइजो-राजाफोरजो सावरायलायदो। खौरां लाहैनायाव मिरु एबसुनिफ्राय फारियै लोगो आफादगिरि खोरमदाव अवारी, बुंथिगिरि अबित नाजारी, सुबुं फोनांजाव नेहाथारि बिरखां नाजारी, सोमदोन ब्रह्म आरो सोलोथाइ नेहाथारि सोमावसार बसुमतारियाबो बाहागो लादोमोन।

(□ 1 बिलाइनफ्राय)

## हादत नाडै नो गोनांथाय मुलिफोरनि बेसेन बांहोनायनि ...

सरकार सरसनस्त्रा राइजो-राजाफोरनो 5 लाख रंसिम खाबु होनाय कार्ड होदो। बे कार्डनि गेजेरजो आयुष्मान भारतनि बिश्रांथिनि सिडाव मानसिआ बेसेन नाड लासेनो मुलि बायनोबो हागोन होन्नानै बिथाड बुजे।

## बिपिएफ दोलोनि सानै मिरुनि दैदेनगिरिफोरा बिबान एंगारबाय

सोद्रोमा बिबाननिफ्रायबो बिबान एंगारदो होन्ना मख'नानै आलादा-आलादायै बिबान एंगारनाय लाइजाम दैथायहरो। बिपिएफ दोलोनिफ्राय बिबान एंगारनाय दैदेनगिरि जनाकि नाजारी आरो लिला मुसाहारीआ सालबारि बियाबनि थागिरि।

## धुबुरी-बरपेटायाव अगपनि देरहासारनाय रोखा: ...

एबा धुबुरी लकसभा मासियाव माइन् रित भटरफोरसो गाहाय बिफाव लागोन होन्ना खौरांगिरिफोरनि सांथि सोनायाव मन्थि अलुल बराया फोरमायनाय बायदिब्ला, धुबुरेनि गासैबो धोरमनि सुबुंफोरनो आसाम गन'परिषद दोलोनि बिजाथिनो भट होगोन। बे बाश्राखौ जुक्ति होनानै मन्थिआ गावनि बिबुंथियाव सेड बियाबआव एमएलए आरो गलकगन्ज, बिलासिपारा बियाबआव सिगानि समाव अगपनि एमएलएफोरनो देरहासारदोमोन होन्ना फोरमायथियो। बेनिखायनो रोखायै फोरमायनो हायोदि, बे ओन्सोलनि सुबुंफोर मदैरनि सावगारियाव भट होनायाव जेबो गोनो-गोथो जानाय नड। बियाबखौ फिन फोसाबफिनायल'नड, एनडिएनि दैदेननायाव जैब्यायदि राइज्योनाडैनो जौगाखांनयनि मोनसे दोहो सिखांदो। सरसनस्त्रा सुबुंफोरा जौगाखांनयखौसो लुबैयै, बेनिखायनो ओन्सोलनि जौगाखांनयनि साथर्याव सरसनस्त्रा सुबुंफोरा आसाम गन'परिषदनि बिजाथिनो भट होगोन होन्ना फोथार्यथिनि बाश्रा फोरमायनायखौ नुनो मोन्दो।

## बिलासिपाराआव पुलिसआ हाथियारजो लोगोसे सासे ...

महकुमा पुलिस बिबानगिरि रजत पलनि दैदेननायाव बिलासिपारा, नयाहात आरो सापतग्राम पुलिसआ जुथायै धेमधेमा गामियाव सिग्रोमनाय हाबाफारि लायो। सिग्रोमनाय हाबाफारियाव हाफिज उदिन सेख (42) खौ हमनो हायो। हमनो हानाय हाफिज उदिन सेखनिफ्राय पुलिसआ गंसे 7.65 एमएम पिस्टल आरो गर 5 गुलि बोखानो हायो। बेनि अनगायैबो हमनो हानाय दुधां सुबुड बाहायनाय एएस 16 डि 9138 नम्बरनि गंसे सेन्ट्र जिक गारि आरो गंसे मबाइल फनखौबो बोखाडे। पिस्टलजो लोगोसे हमनो हानाय हाफिज उदिन सेखखौ बिटिआरनि फकिरग्रामनि थागिरि होन्नानै मिथिनो मोन्नाय जादो। दासान्दि दुथांफोरनि हान्जाजो लोब्बा थानाय गुबुन सोद्रोमाफोरखौ नागिरनानै पुलिसआ गोखो हाबाफारि लादो।

## ना बाजारनि जायगा

## सोलायनायखौ लानानै ना ...

होदोमोन। बे बिथोन बायदियै मैया ना फालांगिरिफोर नोगोर आफादिनि बिथोनखौ मानिदोमोनब्लाबो गोबां बेले-बेजे सोमजिनायखौ नुनो मोन्दो। नाथाय दिने दाव दानग्रा बाजारनि गोजौयाव ना फानग्राफोरखौ जिरायहेनो बिथोन होनायाव ना फालांगिरिफोर रागा जौखाडे आरो ना बाजारखौ बन्द'खालामनानै हेँथा सोमावसारनो हमो। ना फालांगिरिफोरा अजद दैखानाय बायदिब्ला, ना कार्टुनखौ लानानै मोनै सिरिजो गोजौयाव गाखोलानो गोबां उसुबिदानि मोगा-मोगि जायो आरो गोजौयाव दैन जेबो राहायनो गैया। बेनि अनगायैबो दाव बाजारनि मोनामनाय, बोसमा बाजारनि मोनामनायनि अनगायैबो दै ओंखारलानो थाखाय जेबो खाबु गैया होन्ना अजद दैखानानै बेबायदि फारफोमथिबो बेले-बेजे जायगायाव रवबो ना बायगिरिफोरनो ना बाजारव थांनय नड होन्नानै सिगानि बाजारवनो जिरायनो थाखाय आर'ज खालामो। नोगोर आफादिनि मासिगिरि प्रतिभा ब्रह्मआ ना-बेदरनि बाजारखौ साब-सिखोन खालामनायजो लोगोसेनो जाहाथे फालांगिरिफोर, बायगिरिफोर एबा ओन्सोलनि सुबुंफोरा जाहाथे जेबो उसुबिदाजो मोगा-मोगि जानाड बेनि सायावसो बासिन नोजोर होनाय जादो होन्ना मिबथिहोदो। फेगो 3 दाननि गेजेरावनो ना बाजारनि थाखाय लुफुनाय न'आ आबु जानाय लोगो-लोगोनो सिगानि जायगायावनो ना बाजारखौ खालामफिनाय जागोन होन्ना कक्राझार नोगोर आफादिनि मासिगिरि प्रतिभा ब्रह्मआ फोरमायथियो।

## मतनगुरियाव बिपिएफनि बिसायख थि फोसावदिं..

लुवासुर, दुमुरुगुरि बायदि ओन्सोलफोरव नख'र-नख'र, गामि-गामि थांनानै बिपिएफनि बिजाथि खाम्फा बरायारिनि जानानै बिसायख थियारि फोसावदिं खालामो। मख'नो गोनांदि, हाग्रामा महिलारीआ खौरां बिजोनि सिगाडाव बिटिसिखौ फारसेथिंजायनिफ्रायनो जोबसालानो हमदो होन्ना गावनि बिबुंथियाव फोरमायदो। बेबायदि बिटिसिखौ जोबसालानो होनाय जानाय नड। बेनि थाखाय बिटिसिनि गासैबो हारि-मारिफोरनो खौसेथि जानानै फिन खेबसेबाव बिपिएफखौनो बिटिसियाव खुंथाय गोहोयाव लाबोफिनो थाखाय खावलायो। आथिखालनि बिटिसिनि सरकारआ मोनफ्रोमबो हारि-मारिफोरखौनो थगार्यदो। महिलारीआ फोरमायबावनाय बायदिब्ला कक्राझार बियाबआव इडपिएफला आ बिपिएफजो जेनगोना रोखा। एनडिएखौ आं गिया, आं रवखोबो गिग्रा सुबुं नड, एनडिएआसो बिपिएफखौ गिनानै उल्थां-फालथां खोथा बुंगासिनो दड'होन्ना बाराग'गाहाइ मावफुं सोद्रोमाया गावनि बिबुंथियाव फोरमायो। बे हाबाफारियाव हाग्रामा महिलारीजो लोगोसे बिपिएफनि दैदेनगिरि-मावफारियाफोर बेनाम आकतारा आहमेद, कनिन्द्र ब्रह्म, अमरसं बसुमतारि, कनक चन्द्र बर'जो लोगोसे गोबां बिबानि दैदेनगिरि-मावफारियाफोरनो बाहागो लादो।

## हजाय-लक्षीमपुराव बिसायख थियारि फोसावदिंनायाव अमित शाहआ बाहागो लागोन

खुंफुंजानो थांगासिनो दड। 19 एप्रिलयाव खुंफुंजानो गोनां गिबि थाखोनि बिसायख थिखौ लानानै अखं आसामआव बिसायख थियारि फोसावदिंनाय हाबाफारियाव मैखोमै सोलियासिनो दड। अदेबानि दासिमबो रवबो हादतयारि थाखोनि दैदेनगिरिफोर खुंथाय दोलोनि जानानै फोसावदिंनाय हाबाफारियाव बाहागो लाफेयाखै। मिबथिनो मोन्नाय बायदिब्ला, अमित शाहनि दावबाय फेनायनि गेजेरजो बिजेपिनि गोजो थाखोनि बिसायख थियारि फोसावदिंनाय हाबाफारियाव जागायजेनगोन। राइज्योयारि बिजेपिआ फोरमायनाय बायदिब्ला सानैनि हाबाफारिजो अमित शाह फेखांनयनि उनावनो हादतयारि आफादगिरि जेपि नाडु, मिरु मन्थि राजनाथ सिं, स्मृति इरनि, धर्मेन्द्र प्रधान, अर्जुन मुन्दाजो लोगोसे गोबां दैदेनगिरिफोरनो बिसायख थियारि फोसावदिंनाय हाबाफारियाव बाहागो लाफेगोन। 17 एप्रिलयाव 2 थि थाखोनि बिसायख थियारि फोसावदिंनाय हाबाफारियाव गाहाइ मन्थि नरेन्द्र मदिआ आसामआव दावबायफेगोन होन्ना राइज्योआरि बिजेपिआ मिबथिहोबावदो। मिबथिनो मोन्नाय बायदिब्ला मदिआ नलबारियाव बिजेपि आरो लोगोयारि दोलोनि बिजाथिनि जानानै बिसायख थियारि फोसावदिंनाय हाबाफारियाव बाहागो लाफेगोन। राइज्योआरि बिजेपिआ फोरमायबावनाय बायदिब्ला गिबि थाखोनि बिसायख थिनि बायदिनो नैथि थाखोनि बिसायख थियावबो बिजाथिलाइ गथायनाय समाव गिबि मन्थि उ हिमन्त बिश्व शर्मा आरो राइज्योआरि बिजेपिनि आफादगिरि भवेश कलिताया बाहागो लागोन। गिबि थाखोनि बिसायख थियाव गिबि मन्थिआ गोबां दोलोयारि फोसावदिं मेल लामा हान्थिनाय, साइकेल रेलि बायदि हाबाफारियाव बाहागो लानानै नोजोर बोथावना खालामदो। गिबि थोखोयाव भट जानो गोनां मोनफ्रोमबो लकसभा बियाबआव मावफारियाफोरजो लोगोसेनो बिबान मोन्नाय दैदेनगिरिफोरा बे ओन्सोलयाव दावबाय हैनानै बिसायख थियारि फोसावदिंनाय हाबाफारियाव मुखुब जानानै दड। गुबुन फारसेथिं दिनेनिफ्राय जागायजेननाय नैथि थाखोनि बिजाथिलाइ गथायनाय गोबांयाव डिपु बियाबनि बिजाथि अमरसं तिस नि बिजाथिलाइ गथायनायाव गिबि मन्थि उ शर्माआ बाहागो लानायखौ नुनो मोन्दो। बेबायदिनो 3 एप्रिलयाव शिलचर बियाबनि बिजाथि परिमल सुक्लबेद्य आरो करिमगन्ज बियाबनि थाखाय कृपानाथ माल्लाआ बिजाथिलाइ गथायगोन। बे सानै बिजाथिजो बिजाथिलाइ गथायनाय हाबाफारियाव गिबि मन्थि उ हिमन्त बिश्व शर्मा आरो राइज्योआरि बिजेपिनि आफादगिरि भवेश कलितायाबो बाहागो लागोन। बेबायदिनो 4 एप्रिलयाव दर-उदालगुरि बियाबनि थाखाय दिलिप शर्माकिया आरो नगाव बियाबनि थाखाय सुरेश बराया बिजाथिलाइ गथायगोन। बे सानैबो बिजाथिनि बिजाथिलाइ गथायनाय हाबाफारियावबो गिबि मन्थि आरो राइज्योयारि बिजेपिनि आफादगिरिआ बाहागो लागोन होन्ना मिबथिनो मोन्दो।

## कक्राझार लकसभा बियाबाव 45 जौखोन्दो भटजो बिपिएफ दोलोआ देरहागोन: ...

खुंथायनि मान आरो गोहोया गैया जालांदो। बिटिसिनि जौगाथायआ बन्द जानायजो लोगोसे जौगाथायनि मुड गनायथि होनाय रानि कमिसन राज सोलिदो। इडपिएफ दोलोनि खामानि मावनायफोरखौ आथिखालाव बिटिसिनि राइजो-राजाफोरा गोजोन्याय गेयै जादो। दिनेनि समाव 75 जौखोन्दो राइजो-राजाफोरा बिपिएफ दोलोजो दड'। कक्राझार बियाबखौ फिन बोखांफिनायनि बिथिडव बिपिएफ दोलोनि आखाइ दड', बे बाश्राखौ राइजो-राजाफोरा मिथियो आरो गोबां दावहारुफोर जिउ बाउसोमनानै दाफुनाय बिटिसिखौ रैखाथि होनो थाखाय राइजो-राजाफोरा गोबां भटजो देरहाहोगोन होन्नानै बिजाथि खाम्फा बरायारीआ बुजे। खौरांगिरिनि सांथि सोनायनि फिन्नायाव खाम्फा बरायारीआ आथिखालनि एमपि नब'कुमार शरनियाखौ सासे फेलें आरो थगायसुला एमपि होन्नानै बुजे। बिथानि गोलाव राजखांथिआव राइजो-राजाफोरा फोथायला। बर'-अबर'नि गेजेराव गावस्नानाय सोमजिहोनानै खेबनै एमपि जानाय शरनियाआ बियाब आरो राइजो-राजाफोरनि जौगाथायनि थाखाय जेबो खामानि मावखै। बेनिखायनो बिथाड बिपिएफ दोलोनि थाखाय जेबो फेक्टर नड। गुबुन राजखांथि दोलोफोनि बिटिसिआव जेबो थामोन्थाय गैया। बे बायदि समाव कक्राझार बियाबनि गासैबो हारि-माहारिनि भटर राइजो-राजाफोरा बिपिएफ दोलोनो भट होगोन होन्नानै बिजाथि खाम्फा बरायारीआ मिजिंथिनाय फोरमायो।

## खोन्दोयारि गुदि सोलोंथाय बिबानगिरि नब'कृष्ण रायखौ जाखलनायनि दायआव खादो

कृष्ण रायनि हेँथायै रं खानायनि गोखो अजद सिखांदो। नब'कृष्ण रायनि बिसिआ अजद दैखानाय बायदिब्ला गोजो थाखोनि हेफाजाबगिरिआ गावनि फिसायखौ थुनन्त्यायनानै गावजो दायव सरजाबफादो। मोनफ्रोमबो खथा, मन्दिर, आलमारि बायदिफोराव सिग्रोमदोब्लाबो नायबजिर्स हान्जाया जेबो मोनाखैब्लाबो हा लेखाखौ लाना थांदो होन्ना नब'कृष्ण रायनि बिसिया खौरांगिरिफोरनि सिगाडाव फोरमायदो।

## अजय देवगानआ कलेज फरायनाय समाव गुन्दागिरि खालामोमोन

अजय देवगानआ सावथुन मुलुगआव गावनि दोहोखौ दिन्थिफु'नो हादों। अजय देवगानआ आथिखालाव 55 बोसोर बैसोआव आगान होबाय। बिथाडा कलेज फरायनाय समाव रंजानाय-बाजानायखौ मोजां मोनोमोन। बिथाडा गावनि मोनसे गोजाम मोगा-मोगिआव फोरमायदोंदि, बिथाडा कलेज फरायनाय समाव गुन्दागिरि खालामोमोन। बेल'नडा बेबादि आखुनि थाखायनो बिथाडा जोबथेसालियावबो थानांदोंमोन। अजय देवगाननि गुबै मुडा भिशाल देवगान। कलेज फरायनाय समाव बिथानि लोगोफोरनि गेजेराव मोनथाम



गेंआ जोबोद मुंदांखामोन। बिसोरनि गेजेराव दारा सिंहनि फिसाज्ला बिन्दु दारा सिंहनि बिन्दु गेंआ मोनसे, बबी देअलनि बबी गेंआ मोनसे आरो अजय

देवगाननि भिशाल गेंआ मोनसेमोन। बिसोर साथामबो कलेज फरायनाय समाव जोबोद मोजां लोगोमोन आरो कलेज फरायनायनाय उनावबो बिसोर

साथामनि गेजेराव मोजां लोगोयारि सोमोन्दोआ सोलिबाय थारों। अजय देवगानआ खोन्थादोंमोनदि, बिथाडा कलेज फरायनाय समाव

गुन्दागिरि खालामोमोन। बिथाडा जोबथेसालियावबो खेबने थानांदोंमोन। बिथाडा गावनि बिफानि सिलाइखौबो खारदोंमोन। बे बाश्राखौ बिन्दु दारा सिंहआ सिद्धार्थ कानननो होनाय मोनसे मोगा-मोगिआव फोरमायदोंमोन। गुबै बाश्राया बेनोदि, अजय देवगानआ हलीनि फालिथायाव गावनि लोगोफोरजों बान्द्रायाव थानो लुबैदोंमोन। जेब्ला अजय देवगानआ गावनि लोगोफोरजों बान्द्रायाव थानोंमोन, अब्ला बिसोरो बियार लोंनो प्लान बानायदोंमोन। जेब्ला बिसोरो बियार लोंखानांनै फैफिनो अब्ला बिसोरो नुनो मोनोदि, बिसोरनि जीपनि सिगाडव गंसे पुलिस जीप दडमोन आरो बे जीपआव थानाय पुलिसफोर बिसोरखौ नोजोर होगासिनो दडमोन। बिसोरनि जीपआव हकी बेटफोर आरो गंसे थुंगि दडमोन। बेखौ नुनानै पुलिसआ बिथामोनखौ सन्देह खालामदोंमोन। जेब्ला पुलिसआ अजय देवगानखौ भिरु देवगाननि फिसाज्ला आरो बिन्दु दारा सिंहखौ दारा सिंहनि फिसाज्ला होनांनै मिथिदोंमोन अब्ला पुलिसआ माखासे सोंथि सोंनायनि उनाव बिसोरखौ थानो होदोंमोन। सावथुन मुलुगआव हाबनायनि उनावबो अजय देवगाननि जंखायनायनि हुदाया खाराखै। बिथाडा गावनि गोबां कस्टारफोरजों सेटआव गोबां फ्रेंक खालामो।

## शशांक खेतानआ सनी संस्कारी की तुलसी कुमारी सावथुननि बागै माखासे बाश्रा फोरमायदों

सावथुन दिहुनगिरि शशांक खेतानआ 2014 माइथायाव रिलीज जानाय हमप्ती शर्मा की दुल्हानिया सावथुनआव फावखुंगि आलिया भाट्ट आरो फावखुंगु भरुन धावनजों लोगोसे खामानि मावदोंमोन। बिनि उनाव बिथाडा 2017 माइथायाव बिसोर सानै फावखुंगु आरो फावखुंगिजों लोगोसे यै दुल्हानिया फ्रेन्चाइजीनि बद्रिनाथ की दुल्हानिया सावथुनखौबो बानायदोंमोन। बे फ्रेन्चाइजीनि मोननैबो सावथुनानो जाफुंसारनो हादोंमोन। बावैसो सिगां खौरां मोन्नाय जादोंदि, शशांक खेतानआ भरुन धावन आरो आलिया भाट्टजों लोगोसे दुल्हानिया फ्रेन्चाइजीनि थामथि सावथुनआवबो खामानि मावगासिनो दड। बेनि गेजेराव फेब्रुवारिआव शशांक खेतानआ



करण जहरनि धर्मा प्रडाक्सनि बेनारनि सिडव भरुन धावन आरो फावखुंगि जाहनभी कापुरजों लोगोसे सनी संस्कारी की तुलसी कुमारी सावथुनखौ फोसावदों। बे सावथुननि सोमोन्दै शशांक खेतानआ बुंदोंदि, बे सावथुननि गेजेरजों आं आरोबाव मोनसे मोजां मोनज्जायनायनि सल'खौ खिन्थानो खाबु मोन्दों। आं रोखादि, बे सावथुननिफ्राय बे सावथुननि कास्टफोरबो गोबां अन्सायनाय मोनगोन। 2022

माइथायाव अटिटीआव रिलीज जानाय गभिन्दा नाम मेरा सावथुननि उनाव शशांक खेतानआ सनी संस्कारी की तुलसी कुमारी सावथुनखौ दिथा होगोन। सावथुननि सेबखानाय सानथांखिनि सोमोन्दै शशांक खेतानआ बुंदोंदि, जौनि सानथांखिआ सावथुनखौ 18 एप्रिल 2025 माइथायाव रिलीज खालामनाय। जों बे सावथुननि सेबखानायखौ मे दाननिफ्राय जागायगोन। सावथुननि गासैबो सेबखानाया भारतआव जागोन।

शशांक खेतानआ फोरमायदोंदि, आंहा भरुन धावन आरो जाहनभी कापुरजों गोबाव सम सिगांनिफ्रायनो मोजां सोमोन्दो दड। भरुन धावनआ आंजों लोगोसे मोननै सावथुनआव खामानि मावखांबाय। जाहनभी कापुरआ आंजों धडक सावथुनआव खामानि मावदोंमोन। भरुन धावन आरो जाहनभी कापुरआ सनी संस्कारी की तुलसी कुमारी सावथुननि स्क्रिप्टखौ आबुडै लिखनायनि सिगांनो बे सावथुननि बाहागो जानो थाखाय राजि जादोंमोन।

## अनुप खेरआ 33 बोसोर सिगांनि मोनसे सावगारि शेयार खालामदों

1991 माइथायाव सासे आइजोन सावगारिखौ सिनेब्लिटज मुनि गांसे मेगाजिनआव सेबखानाय जादोंमोन। मेगाजिनआ हाथाइयाव फैनाय लोगो लोगो गोबां सावरायजादोंमोन। बे मेगाजिनआव आं श्रीदेभि सिनायमोनै बिनानाव मुडा प्रभा देभि होना लिरनाय दंमोन। श्रीदेभीआ बै समनि सासे मुंदांखा फावखुंगिमोन, नाथाय बिथानोआ प्रभा देभि मुनि सासे बिनानावबो दड' होना रावबो मिबथियामोन। बे खौरांआ ओंखारनाय लोगो लोगो बयबो सोमोनांदोंमोन। जेब्ला बे मेगाजिनखौ 1 एप्रिल 1991 माइथायाव हाथायाव फोसावनाय जादोंमोन। अब्ला बे मेगाजिनआ जोबोद गोखैयैनो सुबुंफोरजों बायजादोंमोन। बे मेगाजिननि



सावगारियाव नुनाय आइजोआ गुबैयै श्रीदेभिनि बिनानाव प्रभादेभि होना फोथायदोंमोन। नाथाय सैथो बाश्राखौ सुबुंफोर मिबथिनो मोन्दोंमोन अब्ला गासैबो सुबुंफोरनो मिनिदोंमोन। गुबैयै सावगारियाव नुजानाय आइजोआ सासे हौवासोमोन सावगारियाव नुजानाय सुबुड फावखुंगुअनुप खेनमोन। अनुप खेरआ मेगाजिनजों लोगोसे लोगो नांनानै बे फ्रेंकखौ खालामदोंमोन। आथिखालाव

33 बोसोरनि उनाव बे सावगारिया फिन खेबसेबाव भाइरल जागासिनो। अनुप खेरआ बे सावगारिखौ 1 एप्रिलखालि गावनि इन्स्टग्राम एकाउन्टआव शेयार खालामदों। सावगारिजों लोगोसे बिथाडा केपशनआव लिखदोंदि, बियो सोर सिनायना ला'। मिथि होनाय जायोदि, अनुप खेरनि बे सोमोनांथाव लुकनि मेकआपखौ मिकी कन्ट्रैक्टरआ खालामदों।

## कपिल शर्माआ लाग्जारी कार आरो बाइकफोरखौ मोजां मोनो

कपिल शर्माखौ कमेडिन किं होनांनै मिथिनाय जायो। कपिल शर्माआ पान्जाबनि अमृतसर ओन्सोलनि दरसे फिसा गामिनि थागिबि। आथिखालाव बियो गावनि गोब्राब नाजानायजों सासे इन्टरनेसनल स्टार जानो हाबाय। उन्दै समनिफ्रायनो कपिल शर्माआ टिभिआव फावखुंगुगुरफोरखौ नायनानै फावखुंगुगुरफोरनि मिमिक्री खालामनो मोजां मोनोमोन। बिथाडा गावनि बे हुदाखौनो गावनि पेशन बानायनानै लादोंमोन आरो आथिखालाव बिथाडा बेनि फिथाइखौ मोनो हादों। आथिखालाव बिथाडा गावनि नाजाथाबनायजों जाफुंसारनो हाबाय। आथिखालाव कपिल शर्माहा गंसे लाग्जारी न' दड। बेजों लोगोसे कपिल शर्माआ लाग्जारी कार आरो सुपारबाइकफोरखौबो मोजां मोनो। कपिल शर्मानि बयनिखुइबो बेसेन गोसासिन कारआ मारसिडिज बेन्ज एस 350। बे कारनि बेसेनआ 1 कौटि 40 लाख रं। बे कारआ गंसे




लाग्जारी कार। कपिल शर्माहा गंसे गुफुर गावनि रेन्जरभार इभन्कयबो दड। बे कारखौ

बिथाडा 2013 आव बायदोंमोन। बे कारनि बेसेनआ 60 लाख रं। कपिल शर्माखौ

गोबां हाबाफारिफोरवोनो बे गोहो गोर एसइउभीजों फैनाय नुनो मोनो। कपिल शर्मानियाव गंसे

## 'कु' सावथुननि फालांगिआ ब्रैथि सानाव गाहायाव फैदों

करीना कापुर, कृति सेनन आरो तब्बु स्टारार 'कु' सावथुना आथिखालाव मिने माहलफोराव दोहौ दिन्थिगासिनो दड। सावथुना रिलिज जानायनि उ न नि फ । य नो अन्सायगिरिफोननि गोसोखौ बोनो हादों। गिबि सानाव मोजां फालांगि खालामनायनि उनाव



देवगाननि बे सावथुनखौबो सुबुंफोरा गोसो गुदुडै नेगासिनो दड। बे सावथुनखौ 25 नभेम्बर 2024 खालि रिलिज खालामनाय जागोन। अजय देवगाननि फैनो गोनां सावथुनफोरनि गेजेराव 'गलमाल 5' सावथुनाबो मोनसे। बे सावथुनखौ 2025 माइथायाव रिलिज खालामनाय जागोन। अजय देवगाननि 'दे दे प्यार दे 2' सावथुनखौबो 1 मे 2025 खालि रिलिज खालामनाय जागोन।

सावथुना नैथि आरो थामथि सानावबो मोजां फालांगि खालामनो हादों। बबेखानि, ब्रैथि सानाव 'कु' सावथुननि फालांगिया गाहायाव फैदों। साकनिलकनि रिपर्टनि बायदिब्ला, 'कु' सावथुना ब्रैथि सानाव 4.50 कौटि रं आर्जिनो हादों। 'कु' सावथुना गिबि सानाव 9.25 कौटि रं आर्जिनो हादोंमोन। नैथि सानाव सावथुननि फालांगिया 5.41 जौखोन्दो बांनानै 9.75 कौटि रं आर्जिनो हादोंमोन। थामथि सानाव सावथुना 10.25 कौटि रं आर्जिनो हादोंमोन। थामहिनबा 'कु' सावथुना

सानब्रँ आव 34.00 कौटि रंनि फालांगि खालामबाय। मख'नो गोनांदि, बे सावथुननि बाजेटखौ खमैबो 50 कौटिसो जागोन होन्ना खौरां मोन्नाय जादों। बेबादि, थासारियाव सावथुना खालि ब्रँ साननि गेजेरावबो बाजेटनि बेसेनखौ मोनफिनबाय। बेनि ओंथिया बेनोदि, 'कु' सावथुना आथिखालाव मुलाम्फा मोनगासिनो दड। बे सावथुनखौ बालाजी टेलीफिल्म्स आरो अनिल कापुर फिल्म्स कम्पुनिकेशन्स नेटवर्कनि बेनार सिडव बानायनाय जादों।

## 'शेतान' सावथुननि उनाव अजय देवगाननि बेफोर सावथुनफोरा बक्स अफिसआव दोहौ लाबोनो थियाट्रि

अजय देवगानआ सावथुन मुलुगनि रंग'थि गोनां फावखुंगिफोरनि गेजेराव सासे। फावखुंगुआव गावनि केरियारखौ 1991 माइथायाव 'फुल और काटे' सावथुनजों जुरिजेन्दोंमोन। बावैसो सिगां अजय देवगाननि 'शेतान' सावथुना रिलिज जादोंमोन आरो बे सावथुना बक्स अफिसआव जाफुंसारनो हादोंमोन। अजय देवगानखौ फैबाय थानाय समफोरव गोबां दोहोंगोनां सावथुनफोराव नुनो मोनगोन। आथिखालाव अजय देवगानआ गावनि 'मेदान'

सावथुननि थाखाय सावरायजागासिनो दड। बे सावथुना 10 एप्रिल 2024 खालि सिनेमाहलफोराव रिलिज जागोन। बे सावथुना फुटबल कच सैयद आब्दुल रहीमनि सायाव बिथा खालामना बानायनाय सावथुन। अजय देवगाननि फैनो गोनां 'औरों मे कहा दम था' सावथुनाबो गोबां सावरायजागासिनो दड। बे सावथुना 26 एप्रिल 2024 खालि रिलिज जागोन। बे सावथुनखौ निरज पान्डेआ



दिथा होदों, बे सावथुनाव अजय देवगानजों लोगोसे तब्बुखौ गाहाइ फावआव नुनो मोनगोन। अजय देवगाननि 'सिंघम एगेन' सावथुनखौबो नायगिरिफोरा गोसो गुदुडै नेनानै थागासिनो दड। बे सावथुना मोनसे माल्टी स्टारार सावथुन जागोन। बे सावथुना सोलिफु बोसोरनि 15 आगस्तआव रिलिज जागोन। बेजों लोगोसे अजय देवगाननि फैनो गोनां सावथुनफोरनि गेजेराव 'रेड 2' सावथुनाबो मोनसे। अजय

देवगाननि बे सावथुनखौबो सुबुंफोरा गोसो गुदुडै नेगासिनो दड। बे सावथुनखौ 25 नभेम्बर 2024 खालि रिलिज खालामनाय जागोन। अजय देवगाननि फैनो गोनां सावथुनफोरनि गेजेराव 'गलमाल 5' सावथुनाबो मोनसे। बे सावथुनखौ 2025 माइथायाव रिलिज खालामनाय जागोन। अजय देवगाननि 'दे दे प्यार दे 2' सावथुनखौबो 1 मे 2025 खालि रिलिज खालामनाय जागोन।

## गौतम आडानीआ फिसौफोरनि खाथियाव मुलुगनि गासैबो दौलदआ फेलें होन्ना बुंदों

गोदान दिल्ली, 2 एप्रिल: भारतनि गिदिर फालांगिरि गुप आडानी गुपनि गायसनगिरि आरो मासिगिरि गौतम आडानीआ बे खेबआव गावनि फालांगि एबा नख 'रि जोंगा-मागा पार्तिनि थाखाय नड गुबुन जाहोनाव खौरांआव फेदों। आडानीआ सशेल मिडियाआव मोनसे सावगारि शेरार खालामदों। सावगारियाव बिथांखौ गावनि फिसौफोरजों लोगोसे नुनो मोन्दों आरो बे मेगननि जौनायनि खाथियाव मुलुगनि गासिबो धोना बेसेन गैथै होन्ना बुंदों। सशेल मिडियाआव पस्ट खालामनाय बे सावगारियाव गौतम आडानीआ गावनि 14 दाननि फिसौजो काभेरिखौ बामनानै लादों, जाय 21 मार्चखालि लन्डननि साइन्स मिडियामआव निउ आडानी ग्रीन ऐनार्जिनि गेलारियाव सेबखानाय। काभेरिआ बिथानि बयनिखुडुबो दुइसिन फिसौजो आरो करण-परिधि आडानीनि



थामथि फिसाजो। मख 'जाथावदि, गोबां खाबुफोर गौतम आडानीआ गावनि फिसौफोरजों थानाय सोमोन्दोखौ रायखानाय जों नुनो मोनबोदों। माखासे सम सिगां गौतम आडानीआ मोनसे हाबाफारियाव बुंदोंमोनदि, गावनि थाखाय गावनि फिसौफोरजों सम खाथयानाया गोबां रेहाय गोनां सममोन। आडानीआ हाबाफारियाव बुं'बावोदि, फिसौफोरजों सम बारहोनायाव जोबोर मोजां मोनो। बेजों गासैबो मेंनायजों बानायफोरा जानगार जायो। आंहा मोनैल' संसार दड, खामानि आरो नख 'र। आंनि थाखाय नख 'रआ

गोहोनि मोनसे गिदिर फुंखा। आडानी गुपनि चेयारमेन गौतम आडानीआ मुकेश आम्वानीनि उनाव भारतनि धोनिंसिन सुबुं। ब्लुमबार्ग बिलेनियार इन्डेक्सनि बायदिब्ला, बिथांहा 102 आरब डलारनि सम्पति दड आरो बिथाडा मुलुगनि 13थि धोनिंसिन सुबुं। 2024 आव बिथानि सम्पतिआ 18.1 आरब डलार बांदों। हिन्डनबार्ग रिपर्टनि जाहोनाव 2023 आव जानाय ख 'हानिफ्राय आडानी गुपआ गौखे जाखांबो नो हादों आरो थानाय बोसोराव गुपनि कम्पानीफोरा इन्भेस्ट खालामग्राफोरा मोजां रिटार्न मोनफिन्नो हादों।

## मोसौजों सोमोन्दोआव फैनायनि उनाव आमेरिकायाव बाई फलुजों सन्देरदों

आटलान्टा, 2 एप्रिल: आमेरिकानि टेक्सासआव सासे सुबुंखौ बाई फलुजों सन्देरनाय मोन्नाय जादों। बिबानगिरिफोरा दाबि खालामोदि, सन्देरजानाय सुबुंडा मोसौफोरजों सोमोन्दोआव फेदोंमोन। टेक्सासनि सावसि बिबानगिरिफोरा बुंदोंदि, बेरामिआ एन्टीभाइरेल मुलि होनाय जादों। सन्देरजानाय सुबुंनाव बाई फलुनि मोनसेल' लैखोना बिथानि मेगना गोजा जानायमोन। सावसि मावख 'गिरिफोरा बुंदोंमोनदि, बेयो गिबियै बुहुमनाडै आहार सोबग्रा जिबनिफ्राय बे रोखोमनि बाई फलुनि गोसारनायनि बेयो गिबि मिथिजानाय जाथाइ। बेराम सामलायनाय आरो होबथाग्रा मिरु (सिडिसि) नि गाहाइ लेखइ सामलायगिरि ड. नीरभ शाहया बुंदोंदि, सुबुंनिफ्राय-सुबुंनिंसिम बाई फलु गोसारनाय एबा जायखिजाया मोसौनि गायखेर एबा बेदरजों सन्देरजानायनि जेबो



फोरमान गैया। शाहया बुंदोंदि, जेनेटिक आन्जादफोरा बेखौ सुबुरुन होयादि, जिउसाया हरखाबै गोरलैयै गोसारलांगिसिनो दड' ना बेयो बांसिन गिखंथाव बेरामनि जाहोन जागासिनो दं। बिथाड बुं'बावदोंदि, आथिखालनि एन्टीभाइरेल मुलिफोरा

दासिमबो गोहोम गोनां जानाई दं। डा. शाहया बुंदोंदि, थानाय सप्ताहयाव टेक्सास आरो कान्सासआव मोसौफोरा बाई फलुजों सन्देरजानायनि खौरां मोन्दोंमोन। आबाद मावख 'गिरिफोरा उनाव मिशिगननि मोनसे डेयरीआव गोसारनायखौ रोखा खालामो,

जेराव बावैसो टेक्सासनिफ्राय माखासे मोसौफोरखौ लानाय जादोंमोन। बिथाड बुंदोंदि, गोबां गोहोम गोरलैनाय मोसौफोरनि मादाव मासेबो थैयाखै। 2020 माइथयनिफ्राय बाई फलुनि जिउसाया गुबुन-गुबुन हादरफोराव सैमा, मावजि, मुफुर आरो सील बायदि

जुनारफोरनाव गोसारगासिनो दं। सिडिसिनि बारग' एपिडेमियल 'जिस्ट डा. आली खानआ बुंदोंदि, आमेरिकानि जुनारफोराव बे बेरामखौ संनाया गोरलै नड। डा. खानआ आथिखालाव नेब्रास्का मुलुगसोलोंसालिनि सुबुं सावसि फरायसालिमानि डीन। बाई फलु जिउसाखौ गिबि खेब 1997 माइथयाव हंक'आव गोसारनाय समाव सुबुंफोरनि थाखाय खैफोद महरै सनायथिनाय जादोंमोन। बुहुमनां सावसि आफादिनि बायदिब्ला, थानाय 20 बोसोराव बाई फलु सन्देरनायनि जाहोनाव सा 460 निबो बांसिन सुबुंफोरा जिउ गोमादोंमोन। बांसिन सन्देरजानाय सुबुंफोरनाव बयो थोंजोडै दावफोरनिफ्राय गोसारोमोन।

## रसियाआ दावहायाव गिखंथाव हाइपारसनिक जिरकान मिसाइलफोर बाहायदों

क्विभ, 2 एप्रिल: इउक्रेनआ रसियानि सायाव हाइपारसनिक जिरकान मिसाइलफोर बाहायनायनि दाबि दैखादों। इउक्रेननि रैखाथि फसंथानआ समबारखालि बुडेदि, रसियाआ बे बोसोरनि जागायनाय 3 दाननि गेजेराव क्विभनि सायाव गाग्लोबनायाव मोनबा निउ हाइपारसनिक जिरकान मिसाइलफोरखौ बाहायदों। बेयो बे 180 मिसाइल आरो डूनआव दंफायो, जायखौ इउक्रेननि राजथावनिनाय गाग्लोबनायाव बाहायदों। लैथोमानि सायाव बिथा खालामग्रा मिसाइलफोरनि गावनो हानाय गोहोआ 1000 किल 'मिटारनि जायो आरो बेनि गोखैथिआ सरासनस्रानिखुडु 9 गुण बांसिन जायो। सांश्रियारि नाइबिजिरगिरिफोरनि बुंनाय बायदिब्ला, हाइपारसनिकनि बे गोखैथिनि जाहोनाव सुथुरखौ रैखा खालामनायनि खम सम मोनो। बेनि थांखिनि सायाव बेनि अलखदआ बाडो।



रसियानि हादतगिरि ब्लादिमीर पुतिनआ थानाय 29 फेब्रुवारीयाव हादतनि मुनि सोमोन्दोबे खौ रैखौहोदोंमोनदि, रसियाआ जिरकान मिसाइलफोरखौ बाहायदों। नाथाय बेखौ माल्बा आरो बहा बाहायदों बेखौ फोरमायाखैमोन। खुंथाया बुं'बावनाय बायदिब्ला, मिसाइलफोरखौबो बाहायदों आरो बेयाव केएइस-101 आरो क्ज मिसाइलफोरा दंफायो। बेनि अनगायै रसियाआ

दावहायाव किजल मिसाइलफोरबो बाहायदों। फार्सेथि, फ्रेमलिनआ थानाय समबारखालि बे रिपर्टखौ नेवसिगारदोंदि, सिन्डूम बेमारनि आन्दोआव रसियानि संगालि एजेन्सिनि आखायाव थानो हागौ, जायजों आमेरिका एबा मुलुगनि गुबुन बाहागोफोरनि राजखांथियारि आरो संगालिफोरा भुगिनदों। बे बेमारनि लोक्षोणफोराव खर'

सानाय, खर' गिदिनाय आरो गोसोखानो हायैआ दंफायो। थानाय बोसोराव फोसावनाय मोनसे आमेरिकानि संगालि नायबिजिरनायाव बे बेमारनि थाखाय गुबुन हादतयारि सुथुरफोरा दायनिगिरि होन्ना बुंदोंमोन। बे बेरामनि गिबि रिपर्ट 2016 याव क्युबानि राजथावनि हवानायाव आमेरिकानि थान्दै मावख 'नि बिबानगिरिफोरा खालामदोंमोन।

सियल, 2 एप्रिल: सा करियानि तानाशाह किम जं उनआ खेबसेबाव मिसाइलनि आन्जाद नायखांबाय। बे खेबाव सा करियाया गावनि सान्जा बोरिमानि दैनि फार्से गेजेर जान्थायनि बेलिस्टिक मिसाइलखौ आन्जाद नायदों। आन्जादिनि सोमोन्दै खोला करियानि रौनियाफोरा फोरमायथि होदों। सा करियानिफ्राय मिसाइल आन्जाद नायनायनि उनाव ओन्सोलाव जेनाया बांदों। खोला करियाया जेबलाबो सा करियानि बेबादि आखुनि बेरेखा खालामबोदों। खोला क'रियाया अजद होदोंदि, सा क'रियाया बेबादि मिसाइल आन्जाद नायगासिनो दं, बेफोर बायदि आन्जाद नायनाया करियानि पेनिनसुलानि गोजोननि थाखाय मोनसे गिथावना खैफोद जादों। खोला करियानि जइन्ट फिफस अफ स्टाफआ बुंदोंदि, मिसाइलखौ सा करियानि राजथावनि प्यंयानि साखाथिनि मोनसे ओन्सोलनिफ्राय हगारनाय



जादोंमोन नाथाय बेयो बेसेबां गोजानसिम थादोंमोन बेखौ मिथिनाय जायाखै। सा करियानि बे मिसाइल आन्जाद नायनाया ओन्सोलाव जेनाया बां'हो नो थांगासिनो दं। सा करियाया थानाय दानाव गोदान गेजेर जान्थायनि हाइपारसनिक मिसाइलनि थाखाय गोखै

खारग्रा इन्जिनजों मोनसे सालायजानाय इन्जिनखौ आन्जाद नायदोंमोन। बेनि सिगाडव सा करियानि दैदिनगिरि किम जं उनआ खोला करियानि राजथावनि सियलखौ नोजेर होनो थाखाय बानायनाय एटम रकेटफोरखौ गावनाय डि'ल फोर खौ

नायबिजिरदोंमोन। जापानआबो सा करियाजों खालामजानाय मिसाइल आन्जादिनि सोमोन्दै सांग्रांथि लागसिनो दं। बे समावनो जापाननि कस्ट गार्डआ हादरनि रैखाथि बिफाननि मोनसे बिजिरनायखौ फोसावनानै बुंदोंदि, मिसाइलआ सिगांनिफ्रायनो दैयाव गोरलैखाबाय आरो ओन्सोलाव थांलाय-फैलाय खालामग्रा जाहाजफोरखौ सांग्रां जानो खावलायदों। जापाननि फोसावग्रा एनएचके आ बुंदोंमोनदि, मिसाइलआ हादरनि जुनिया रांखांथियारि ओन्सोलाव सौहैयाखैमोन।

## आदित्य बिरला फेसननि शेयारआ 15 जौखोन्दो दावखोदों

गोदान दिल्ली, 2 एप्रिल: आदित्य बिरला फेसननि शेयारआव मंगलबारनि फालांगियायि सेसनआव गोखौं दावखोनाय नुनो मोन्दों। कम्पानीआ मदुरा पेसन एन्ड लाइभस्टाइल बिजनेसखौ आलादायै शेयार बाजाराव फारिलाइयाव सोफागोन होन्ना फोसावदोंमोन। खौरां मोन्नायसिमाव आदित्य बिरला फेसननि शेयारआ 15 जौखोन्दोसिम दावखोदों। बेनि शेयारआ बिएसइआव मोनफ्रोम शेयारआव 243.45 रॉनि गोजौ थाखोसिम सौहैदों। शेयारआव फुंनि फालांगियायि सेसनआव गोखौं गोहोमखौ नुनो मोन्दों आरो 10:30 रिगासिमाव 6 कौटि शेयारफोरनि रादाय जादोंमोन। फार्सेथि बेनि थानाय सप्ताहनि जौखोन्दो शेयार फान्नाया 30 लाख शेयारमोन।



कम्पानीनिफ्राय स्टक एक्सेन्जो मिथिहोनाय जादोंमोनदि, कम्पानीआ गावनि फसंथान मदुरा फेसन एन्ड लाइभस्टाइलखौ गंसे आलादा कम्पानी महरै बाजाराव सिनायथि होनो सान्दों। आदित्य बिरला फेसन एन्ड रिटेल लिमिटेडनि एमडि आसिशा डिक्षितआ बुंदोंमोनदि, बे गोदाने थांखि लानायजों मोन्नेबो फालांगियाव मोनसे आलादा सोलोखांथिजों नोजेर लाखिनायाव मदत मोनगोन। बेफोराव मोनफ्रोमबो

फालांगियाव आलादायै सासे सिइअ थिसनानै सामलायनाय जाबोदों। मदुरा फेसन एन्ड लाइभस्टाइलहा लुइस फिलिप, भेन ह्रुसेन, एलन सॉलि आरो पिटार इलेण्डजों लोगोसेनो केजुएल बियार ब्रान्ड आमेरिकानि इगोल आरो फरएबार 21 आ दंफायो। बेजों लोगोसेनो कम्पानीहा स्पर्टब्रान्ड रिभकबो दडा दिमजार्नि उनाव आदित्य बिरला फेसननिनाय भेलु रिटेल, लाकजारि आरो डिजिटेल ब्रान्डबो थागोन।

## आफगानिस्तानआव गोजाम सुरंग' आव हावहैना सा 9 उन्दैफोरनि जिउ गोमादों

इस्लामाबाद, 2 एप्रिल : सान्जा आफगानिस्तानआव उन्दैफोर संनानै मोनसे गोजाम बमा गोनां सुरंग' मोन्दों। नाथाय उन्दैफोर बे सुरंग' आ एसेबां गिखंथाव जागोन होन्ना हमदांनो हायाखैमोन। उन्दैफोरा बे सुरंग' आव गेलेहैनो हमो आरो बेयावनो बमा बेरफुनानै गथ'फोरनि जिउ गोमायो। तालिबाननि सासे बुंथिगिरिया बेनि खौरांखौ होदों। गजनीयाव तालिबाननि टेलिकम आरो हारिमु बिफाननि बिथोनगिरि हलिदुल्ला निसारआ बुंदों, उन्दैफोरा गजनी राइज्योनि गेर' जिल्लाययाव गावसिनि गामि साखाथियाव जाय खादानखौ मोन्दों, बेयो जोबोद गोबावनि एबा गोजाममोन। रबिबाराव जानाय बे जाथायाव



सा 5 हौवासा आरो सा 4 हिन्जावसाफोरनि जिउ गोमादों। बिसेरनि बैसोया 5-10 बोसोरनिमोन। मख 'जाथावदि, आफगानिस्तानआ गोबां बोसोरनिफ्रायनो दावहाजों भुगिनदों आरो बे गथ'फेर जाय नख 'खौ खोनो थाखाय ख्रेम धतु बुयुमहैयो। बिसेरनि थाखाय जोबोद गिखंथाव। बेबायदियावनो गोबां बमा बेरफुनानै सुबुंफोरनि जिउ गोमायो आरो जोखोम जायो।

## पाकिस्ताननि बारग' गाहाइ मन्थि इमरान खान आरो बिसि बुशराआ गिदिर रेहाय मोन्नो हाबाय



इस्लामाबाद, 2 एप्रिल: पाकिस्ताननि बारग' गाहाइ मन्थि आरो पिटिआइनि आफादिगिरि इमरान खानआ गोबाव सम नेनायनि उनाव समबारखालि रेहाय मोन्नो हायो। इस्लामाबाद हाइ कर्टआ तशाखाना गेनाखांथि केसआव इमरान खान आरो बिथानि बिसि बुशरा बिबिनो फोसावनाय साजाखौ बोखारो। बे केसआव बिथानिमोनहा सानैबो 14 बोसोर जोबथेसालिनि साजा मोन्दोंमोन। हादरआव सरासन्सा बिसायख'थि जागोननि साननैसो सिगां थानाय 31 जानुवारिआव इस्लामाबाद एकाउन्टेबिलिटी कर्टआ बे केसआव इमरान आरो बुशरानो साजा फोसावदोंमोन। आथिखालाव पाकिस्तानआव गोदान सरकार दानायनि उनाव बिथानिमोनहा रेहाय मोन्दों। इस्लामाबाद हाइ कर्टनि गाहाइ बिजिरगिरि आमेर फारुकआ बुंदोंदि, साजानि हेंथायै आर'ज गाबनायनि हियारिखौ इदिन छुट्टिफोरनि उनाव थि खालामनाय एबा फोसावनाय जागोन। मख 'जाथावदि, तशाखाना गेनाखांथि केसआव 71 बोसोर बैसोनि क्रिकेटारनिफ्राय राजखांथियाव आगान होनाया इमरान खाननि सायाव बिथाड पाकिस्ताननि गाहाइ मन्थि जानाय समाव बेसेन गोसा अन्थोवफोरनि गावनाव लाखिदों होन्ना नै दाय जाबसिनाय जादोंमोन।

## इज्राइल सान्थि अलशिफा फाहामसालियाव नायबिजिरनायाव सा 200 उतखारिफोरनि जिउ ख'हा जादों

जेरुजालेम, 2 एप्रिल: नै सप्ताह गोखौं नायबिजिरनायनि उनाव इज्राइल सान्थिआ समबाराव गाजा पट्टीनि देरिसिन अलशिफा फाहामसालिनिफ्राय ओंखारलाडो। थानाय 6 दाननिफ्रायनो सोलिबोनाय दावहायाव इज्राइल सान्थिआ नैथि खेब गाजा सिटीनि बे पाहामसालियाव हावहैदोंमोन आरो बेयाव बिसोरो हामास आरो इस्लामिक जिहादिनि दावहानां'ग्राफोरनि हें थायै नायबिजिरदोंमोन। इज्राइल सान्थिनि बायदिब्ला, गोदान नायबिजिरनायाव सा 200 नि बांसिन उतखारिनि जिउ गोमादों आरो सा 500 खौ हमनो हादों। हामासआ फाहामसालि सिडाव आरो खाथि-खालायाव थैनाय सुबुंफोरनि अन्जिमाया 400 होन्ना बुंनाय जादों आरो गाजानि देरिसिन फाहामसालिखौ इज्राइल सान्थिआ सिर्लिंखार खालामदों होन्ना बुंदों। गासै



2 सप्ताह अपारेसनआव गोबां उतखारिफोर जिउ गोमादों आरो गोबांखौ हमदों। लोगोसेनो गोबां बिबांआव हाथियार आरो सोद लेखा बिलाइफोरखौ जब्द खालामनो हायो। बे नायबिजिरनायाव सान्थिनि सानै जवानफोरारबो मुख्लं जायो आरो माखासे आ जोखोम जायो। बे समाव सरासनसा सुबुंफोर, बेरामिफोर आरो फाहामथाय मावफारियाफोरखौ रैखा खालामनो गोखौं नाजानायबो जादों। फार्सेथि हामासनि मिडियाआव फोरमायदोंदि, इज्राइल सान्थिनि नायबिजिरनाय थैनाय सा 400

सुबुंफोरनि गेजेराव सासे गागि बैसोनि आइजो डक्टर आरो बिनि फिसान्जा (डक्टर) आबो दंफायो। सानै सुबुंफोरखौ फासि होनानै बुथारनाय जादों। बेनि अनगायै फाहामसालिनि बिल्डिं'खौ सिंआव अर सावनानै होनाय जादों आरो गोबां कन्सट्रक्सनफोरखौ बुलडवजारजों सिमफायनाय जादों। दावहानि समाव इज्राइलनि बमा होनाय आरो गुलि गावग्लानायनि जाहोना न'-बां गैजायै जानाय रोजा-रोजा सुबुंफोरा अलशिफा फाहामसालियाव आस्रय लानानै दंमोन।

## पेरिस अलिम्पिकआव बयनिबो नोजोरआ निरज चप्रानि सायाव गोग्लैगोन

गोदान दिल्ली, 2 एप्रिल: टोक्यो अलिम्पिक 2020 आव भारतनिफ्राय सा 124 एथलीटफोरनि हान्जाया सौहैदोमोन। बे सौहैनाय हान्जायानो दासिमनि भारतीय गेलेगिरिफोरनि देरसिन अलिम्पिक हान्जानि सौहैनायमोन। भारतआ टोक्यो अलिम्पिक सिजनआव बांसिन गं 7 मेडेलबो देरहादोमोन। जायनि फारिआव निरज चप्रआ हौवाफोरनि जेभलिन खुबेनाय इभेन्टआव जारिमिनारि सनानि मेडेल देरहादोमोन। पेरिस 2024 अलिम्पिक गेम्सआव भारत आरो गोबां एथलीटफोरनिफ्राय क्वालिफाइ जागोनखो मिजिथिदो। लोगोसे टोक्योआव देरहानाय मेडेलनिफ्राय बांसिन देरहाबावगोनखो मिजिथि लागोन। ट्रेप शुटार भौनिच मेन्डरिआ आइएसएसएफ वर्ल्ड सेमियनसिपआव भारतनि गिबि कथा मोन्दोमोन आरो पेरिस अलिम्पिकआव जायगा आविप्रिनाय गिबि एथलीट जानो हादोमोन। भारतीय शुटारफोर



गिबि खेबफ्रोम अलिम्पिकनि शुटि केटरिआव कथा मोनुफुदो। रेस वाकार प्रियंका गस्वामी आरो अक्षदीप सिंहआबो पेरिस अलिम्पिकआव एथलेटिक्स इभेन्टनि थाखाय क्वालिफाइ जानाय गिबि भारतीय जानो हादोमोन। नाथाय शुटि आरो रेसलि बायदि गेलेमुफोराव सिगांनिफ्राय भारतीय गेलेगिरिफोरा जायगा आविप्रिबोदो। नेसनेल अलिम्पिक कमिटीनिसिम अलिम्पिक गेम्सआव गेलेगिरिफोरनि हान्जा दैथायहरनाय बायदिनि माखासे गाहाइ मोन्थाय होनायनि बिबानफोर थायो। हौवाफोरनि

20 मिटर रेस वाकआव भारतीय एथलीटफोरा क्वालिफाइ स्टेन्डाईखो आबु खालामदो। निरज चप्रआबो बे खेबआव गावनि सिगांनिफ्रायनो थांखि लाबोनाय 90 मिटर जान्थायखो बारहोनो नाजागोन। जायनि सायाव भारतीय अन्सायगिरिफोरा आरोबाव नोजोर लाखिगोन। अलिम्पिकनि थाखाय क्वालिफाइ जानायनि लामाया माखासे प्रसेसनि गेजेरजो जाना फेयो। थामहिनबा गेलेगिरिफोरा अलिम्पिक गेम्सनि सिगां माखासे थिखानाय क्वालिफिके सनखो आबु खालामनांगो जायो।

गोदान दिल्ली, 2 एप्रिल: आइपिएल 2024 आव खेब 14 मेचफोरा जोबनाने फैबाय। सोलिफु सिजननि 14 थि मेचआ मुम्बाइनि वनके डे स्टेडियमआव मुम्बाइ इन्डियन्स आरो राजस्तान रयेलसनि गेजेराव जानाने थाडे। जेराव राजस्ताननि हान्जाया सिजनआव गावसोरनि लान्थिये खेबथाम देरहानायखो लाखियो। गुबुन फार्से मुम्बाइनि हान्जाया जेन्नायनि हेट्टिक थिसनो। बे मेचनि उनाव पइन्टनि फारिलाइआव उन सिगां जानायखो नुनो मोन्दो। राजस्तान रयेलसआ मुम्बाइनि हेथैये गेलेनाय मेचआव 6 उइकेटजो देरहादो। राजस्ताननि हान्जाया सोलिफु सिजनआव गेलेनाय खेबथामबो मेचआव देरहानाय थिसन्दो। बे देरहानायजो नो

## मिराबाइ सानुआ अलिम्पिक टिकेट मोन्दो हाबाय



गोदान दिल्ली, 2 एप्रिल: मिराबाइ सानुआ बाइइसिन लिस्थायजो जागयानाने गासै 184 कि:ग्रा: लिस्थाय दैखंदो। नाथाय बिथाडा गुप-बिआव थामथि नम्बरआव जायगा मोन्दोब्लाबो पेरिस अलिम्पिकनि थाखाय टिकेट मोनबाय। पेरिसनि थाखाय टिकेट मोनांगोनि थाखाय बे टुर्नामेन्टआव बाहागो जानाया मिराबाइनि थाखाय गोनांथिमोन। हंशो एसियान गेम्सआव गात्रियै जोखोम जानायनि उनाव गात्रि थासारिजो समखो बारहोनयनि उनाव सानुआ वर्ल्ड कापआव बाहागो लाफिनाने पेरिस अलिम्पिकनि थाखाय गावनि टिकेट खो रोखा खालामो।



राजस्ताननि हान्जाया पइन्टनि फारिलाइआव जौसिनआव सौहैदो। जायनि जाउनाव कलकाता नाइट राइडर्सनि हान्जाया गिबि मासिनफ्राय दावखलायबाय। मख'नो गोनांदि, के के आर आरो सिएसके आ 4-4 पइन्ट



सिएसकेआबो पइन्टनि फारिआव दावखलायनाने फेयो। चेन्नाइनि हान्जाया नैथि मासिनफ्राय थामथि नम्बरआव दावखलायबाय। मख'नो गोनांदि, के के आर आरो सिएसके आ 4-4 पइन्ट

आजिनाने दड। नाथाय सावसिन नेट रान रेटजो कलकाटाआ पइन्टनि फारिलाइआव सिएसकेनिफ्राय सिगांसिनआव दड। मुम्बाइ इन्डियन्सनि थाखाय सोलिफु सिजनआ खब जायाखै। मानोना बे

हान्जाया दासिमाव गेलेनाय खेबथामबो मेचआव जेनांदो। जायनि फिथाइ महै हान्जाया पइन्टनि फारिआव गाहाइसिनआव दावखलायनाने फैदो। मुम्बाइनि हान्जाया गावसोरनि नख'रि फोथारआव सिजननि गिबि गेलेदोब्लाबो देरहानो हायाखै। मुम्बाइ इन्डियन्सनि हान्जाया बे मेचआव गिबियै बेटिं खालामनाने 20 अभाआव 9 उइकेट खहाजो 125 रान लादोमोन। जायनि फिननायाव राजस्ताननि हान्जाया 15.3 अभाआव 4 उइकेट खोमानाने टार्गेटआव सौहैदो। जायनि फारिआव रियान फगआ गोखोडे दिन्थिफुनाने 39 बलआव 54 राननि इनिंस गेलेदो।

## सुमित नागलआ केरियारनि सावसिन रेंकिं मोन्दो



गोदान दिल्ली, 2 एप्रिल: भारतनि मुंदांखा टेनिस गेलेगिरि सुमित नागलआ थांनाय जानुवारि दानआव जालांनय अस्ट्रेलियान अपेननि गाहाइ डूआव जायगा आवगिनाने खौरांफोरनि हेडलाइनआव जायगा मोन्दोमोन। बिथाडा बे इभेन्टआव रेंकिं मोन्नाय काजाकिस्ताननि आलेक्जेन्डर बुब्लिकखो फेजेनो हानाय गिबिसिन भारतीय गेलेगिरि जादोमोन। नाथाय बे टुर्नामेन्टनि नैथि राउन्डआव बिथाडा चीननि शां जुनचेकजो जेनाने जायखारनांदोमोन। टप भारतीय टेनिस गेलेगिरि नागलआ थांनाय माखासे सानफोराव गोखोडे दिन्थिफुनायजो गोदाने फोसावनाय एटिपि सिंगेल रेंकिंआव आवगायनाने गावनि केरियारनि सावसिन 95 थि रेंकिंआव थानो हादो। बेनि सिगां नागलनि सावसिन रेंकिंआ 97 जानाने दडमोन। जेराव बे रेंकिंखो बिथाडा थांनाय फेबुवारि दानआव जालांनय एटिपि सेलेन्जार लेभेलनि इभेन्ट चेन्नाइ अपेनआव देरहानायनि उनाव मोन्दोमोन। चेन्नाइ अपेनआव देरहानायनि उनाव बिथाडा एटिपि 500 टुर्नामेन्ट एबा दुबाइ सेमियनसिप आरो एटिपि 1000 मास्टार्स एबा इन्डियान अयेल्स/मियामीनि अनगायै मोनने गुबुन सेलेन्जार टुर्नामेन्टआवबो बाहागो जादोमोन। बे समाव नाथाय बिथानि सावसिन दिन्थिफुनाया बेंगलुरु सेलेन्जारनि सेमिफाइनलाव सौहैनाया जादोमोन। नागलआ सोलिफु समाव मरक्कनि मासकेसआव मोनसे एटिपि 250 लेभेलनि इभेन्ट ग्रेन्डप्रिक्स हासन 2 नि थियारि जागसिनो दड। जेराव बिथाडा जागायजेन्नाय राउन्डआव फ्रान्सनि करेन्टिन मटेटनि सेलेन्जआव ओंखारगोन।

## पार्लि केपनि रेसआव युसभेन्द्र सहलआ सिगां फार्से आवगायदो



गोदान दिल्ली, 2 एप्रिल: आइपिएल 2024 नि जागायजेन्नाय खेब 14 मेचआ जोबनाने उनाव पार्लि केपनि रेसआव उन-सिगां जानायखो नुनो मोनगासिनो दड। सोलिफु सिजननि 14 थि मेचआव मुम्बाइ इन्डियन्स आरो राजस्तान रयेलसनि गेजेराव सेलेन्जआ जोबनाने थाडो।

जायनि फारिआव राजस्ताननि स्टार बलार युसभेन्द्र सहलआ गोखोडे बलिं खालामो। बिथाडा 4 अभाआव 11 रान होनाने फारियै तिलक भर्मा, हार्दिक पन्डिया आरो गेरल्ड कएल्जीनि उइकेट लायो। बेजो लोगोसेनो सोलिफु आइपिएलआव बिथानि उइकेट लानाया 6 सिम सौहैयो आरो

पार्लि केपनि रेसआव नैथि नम्बरआव आवगायो। सहलनि अनगायै फास्ट बलार ट्रेन्ट बल्टआबो बे मेचआव मोजाडे दिन्थिफुदो। बिथाडा 4 अभाआव 22 उइकेट होनाने 3 उइकेट लायो। बेजो लोगोसेनो बिथानि उइकेट लानाया सोलिफु सिजनआव 5 जायो आरो पार्लि केपनि रेसआव 5 थि नम्बरआव सौहैयो। गुबुन फार्से मुस्ताफिजुर रहमानआ दासिमावबो गिबि नम्बरआव दडब्लाबो सहलनि थाखाय गिनांगो थासारिआव सौफैबाय। रहमानआ दासिमाव गेलेनाय खेबथाम मेचआव 7 उइकेट लाबाय। बे फारिआव खेबथाम मेचआव 6 उइकेट लानायजो महित शर्माआ थामथि नम्बरआव जायगा आवगियो।

## अलिम्पिक थियारिनि थाखाय भारतीय हकी हान्जाया अस्ट्रेलियासिम दावबायदो

गोदान दिल्ली, 2 एप्रिल: भारतीय हकी हान्जाया पेरिस अलिम्पिकनि थाखाय थियारिनि थांखिजो फैगो 6 एप्रिलनिफ्राय जानो गोनां खेब 5 टेस्ट मेच सिरिज गेलेनो थाखाय अस्ट्रेलियासिम दावबायबाय। हरमनप्रीट सिंहनि केप्टेनआव भारतीय हान्जाया थांनाय समबारखालिसो दावबायनायखो जागायदोमोन। मख'नो गोनांदि, भारतआ थांनाय सान सिगांसे जोबलानाय धुबनेस्वर एफआइएस प्र: लीगआव बादायनाय खेबबै मेचनि गेजेराव खेबथाम देरहादोमोन। भारतीय हौवा हान्जाया फैगो 6 एप्रिलखालि गिबि मेच गेलेनायनि उनाव फारियै 10, 12 आरो 13 एप्रिलआव बादायगोन। बेनि



सायाव केप्टेन हरमनप्रीटआ गावसोरनि दावबायनायखो लानाने गोजोन्नायखो फोरमायो। लोगोसे बे सिरिजनि गेजेरजो पेरिस अलिम्पिकनि सिगां गावसोरनि गोहो आरो लोरबांथिफोरखो मिथिनो मोनगोनखो फोरमायो आरो बेनि उनाव सुद्रायबावनो खाबु

मोनगोनखो फोरमायो। बेनि उनाव लेडाइ केप्टेन हार्दिक सिंहआ गावसोरनिफ्राय सावसिन दिन्थिफुनो थाखाय गोबाब नाजानायजो मोनसे हान्जा खालामनायखो फोरमायो आरो गावसोरनि सायाव जेब्लायबो फोथायनाय लाखिगोनखो रोखा खालामो। दावबायनाय भारतीय

हान्जानि फारिआव गल किपार महै कृष्ण बाहादुर पाठक आरो पिआर श्रीजेशनि अनगायै सुरज करकेरआ बिबानआव थागोन। जेराव डिफेन्डर महै हरमनप्रीटजो लोगोसे जर्मनप्रीट सिंह, अमित रहिदास, जुगराज सिंह, सन्जय, सुमित आरो आमोर आलीआ दड।

## सान्बैनि गेजेरावनि आइपिएल 2024 नि गोखैसिन बलिंनि रेकर्डआ बायदो

गोदान दिल्ली, 2 एप्रिल: लखौ सुपार जइन्सनि फास्ट बलार मायं आगरवालआ थांनाय माखासे सान सिगांसो आइपिएल 2024 आव गोखैसिन बलिं खुबैनायनि रेकर्ड थिसन्दोमोन। बिथाडा मोनफ्रोम घन्त्याय 155.5 कि:मि: गोखैथिनि बलिं खालामदोब्लाबो बिथानि बे रेकर्डआ सानसिमल' थानो हादो। मानोना मुम्बाइ इन्डियन्सनि सासे लाइमोन बलारआ बिथानि बे रेकर्डखो सिफायनाने गावनि मुडाव लाखिदो। आइपिएल 2024 नि 14 थि मेचआ मुम्बाइ इन्डियन्स



आरो राजस्तान रयेलस हान्जानि गेजेराव जानाने थाडो। बे मेचआव मुम्बाइनि पास्ट बलार गेरल्ड कएल्जीआ बेसेन गोसा जानो हायाखैब्लाबो मेचनि समाव आइपिएल 2024 नि

गोखैसिन बलिं खालामनायनि रेकर्डखो सिफायदो। बिथाडा राजस्ताननि हेथैये गेलेनाय मेचनि खेबसे बलआव मोनफ्रोम घन्त्याय 157.4 कि:मि: जान्थाय गोखैथिजो

बलिं खालामदो। मख'नो गोनांदि, बिथाडा बे मेचनि जोबथा बलआव बे गोखैथिजो बलिं खालामदोब्लाबो बे बलखो परागआ 4 रान लानाने मेचखो फोजोबदो। सोलिफु आइपिएलआव गोखैसिन बलिं खालामनाय फारिआव मायनि उनाव नन्दे बर्गरआ घन्त्याय 153.0 कि:मि: गोखैथिजो थामथि नम्बरआव जायगा मोन्दोमोन। आइपिएलनि जारिमिनआव गोखैसिन बलिं खालामनाय रेकर्डआ आथिखालाव शन टेटनि मुखव दड। टेटआ 2011 आव मोनफ्रोम घन्त्याय 157.71 कि:मि: जान्थायनि गोखैथिजो बलिं खालामदो। कएल्जीआ बिथानि बे गोखैथिनि साखाथियाव सौहैदोब्लाबो रेकर्डखो सिफायनो हायाखै। नाथाय बे फारिआव बिथाडा लकी फर्ग्युसननि रेकर्डखो उनाव लाखिदो। बेनि सिगां आइपिएलनि जारिमिनआव गोखैसिन बलिं खालामनाय मुडा फर्ग्युसननि मुडावनो दडमोन। जेराव बिथाडा घन्त्याय 157.3 कि:मि: जान्थायनि गोखैथिजो बलिं खालामदो। बेफारिआव गेरल्डआ बिथानि उनाव 157.4 कि:मि: जान्थायनि गोखैथिजो थामथि नम्बरआव जायगा मोन्दो।

## आइजोफोरनि हकी केम्पनि थाखाय फोसावनाय गेलेगिरिफोरनि फारिआव गोदान महहरवो नुनो मोन्दो

गोदान दिल्ली, 2 एप्रिल: सबिता पुनिया आरो फरवार्ड बन्धना कटारियामोनबादि मुंदांखा गेलेगिरिफोरजो लोगोसे सा 60 गेलेगिरिफोरनि फारिलाइखो 7 साननि थाखाय थियारिनि बादायाव बाहागो लानो गनायथि होदो। बे बादानि उनाव ट्रायल्स खुंफुगोन। जायनि गेजेरजो माहारियारि हान्जानि थाखाय सा 33 सायख'जाथावना गेलेगिरिफोरखो सायख'नाय जागोन। बे थांखिजो थियारिनि बादाखो आथिखालाव स्पर्टस अथ'रिटि अफ इन्डियानि कमप्लेक्सआव खुंफुनाय जादो। गल किपार सभिता पुनियाजो लोगोसे बन्धना कटारिआबो समबारनिफ्राय खुंजानाय बे केम्पआव नेमखाथि बादिबै बाहागो जादो। इयुनआव कचिनि बादा आरो हारिमायारि टुरनि थाखाय सायख'जाथावना गेलेगिरिफोरनि सा 33 सोद्रोमाखो थि खालामनो थाखाय फैगो 6 आरो 7 एप्रिलखालि ट्रायल खुंफुनाय जागोन। जायनि थाखाय हकी इन्डियाआ फोसावलाइआव गावसोरनि थांखिखो रोखा खालामदो। बे समाव



हकी इन्डियाआ पुनेआव बावैसो सान सिगां जोबलानाय सिनियर अमेन नेसनेल सेमियनसिपआव दिन्थिफुनायजो नो सा 60 गेलेगिरिफोरखो सायख'नायखो फोरमायो। लोगोसे थियारिनि बादा खालामनाय समाव बिसोरखो गोखोडे नोजोर लाखिगोननि खोथा होनाने बिसोरनि गेजेरनिफ्रायनो सा 33 सायख'जाथावना गेलेगिरिफोरखो थि खालामगोनखो फोरमायो। बिसोर गासै गेलेगिरिफोरखो आइजो हकी हान्जानि कच अंकिता बिएसआ नोजोर लाखिगोन। बिथाडा यानिक शपमेनि उनाव हान्जानि कच महै बिबानआव लाखिजादो। मख'नो गोनांदि, बे खेबनि थाखाय सायख'जानाय गेलेगिरिफोरनि फारिआव माखासे गोदान गेलेगिरिफोरनि महहरखो नुनो मोन्दो। जायनि फारिआव गल किपार महै सभिता, सनल मिन्स, भिसु देबि कारिबाम, माधुरि किन्दर, भन्साली सलंकी, प्रमिला आरो राम्या कुरमापुआ सायख'जादो।

हकी इन्डियाआ पुनेआव बावैसो सान सिगां जोबलानाय सिनियर अमेन नेसनेल सेमियनसिपआव दिन्थिफुनायजो नो सा 60 गेलेगिरिफोरखो सायख'नायखो फोरमायो। लोगोसे थियारिनि बादा खालामनाय समाव बिसोरखो गोखोडे नोजोर लाखिगोननि खोथा होनाने बिसोरनि गेजेरनिफ्रायनो सा 33 सायख'जाथावना गेलेगिरिफोरखो थि खालामगोनखो फोरमायो। बिसोर गासै गेलेगिरिफोरखो आइजो हकी हान्जानि कच अंकिता बिएसआ नोजोर लाखिगोन। बिथाडा यानिक शपमेनि उनाव हान्जानि कच महै बिबानआव लाखिजादो। मख'नो गोनांदि, बे खेबनि थाखाय सायख'जानाय गेलेगिरिफोरनि फारिआव माखासे गोदान गेलेगिरिफोरनि महहरखो नुनो मोन्दो। जायनि फारिआव गल किपार महै सभिता, सनल मिन्स, भिसु देबि कारिबाम, माधुरि किन्दर, भन्साली सलंकी, प्रमिला आरो राम्या कुरमापुआ सायख'जादो।